



職官略第五

武官第八上

將軍總敘

三代之制天子六軍其將皆命卿故夏書曰大戰于
甘乃召六卿蓋古之天子寄軍政於六卿居則以田
警則以戰所謂入使治之出使長之之義其職在國
則以比長閭胥族師黨正州長鄉大夫爲稱在軍則
以卒伍司馬將軍爲號所以異軍國之名諸侯之制
大國三軍次國二軍小國一軍其將亦命卿也晉獻
公初作二軍公將上軍未有其號魏獻子衛文子始

有將軍稱

左傳曰晉闔沒女寬謂魏子曰豈將軍食

將軍又禮記曰

將軍文子之喪自戰國置大將軍周末又置前後左

右將軍秦因之位上卿金印紫綬漢興置大將軍驃

騎將軍位次丞相車騎將軍衛將軍左右前後將軍

皆金印紫綬位次上卿

後漢志曰漢將軍比公者四謂大將軍驃騎車騎衛將軍

掌京師兵衛四夷屯警孝武征閩越東甌又有伏波

樓船及伐朝鮮大宛復置橫海度遼貳師宣帝增以

蒲類破羌權時之制若此非一亦不常設光武中興

諸將軍皆稱大及天下已定武官悉省四征興於漢

代四安四平起於魏初後漢有三鎮之稱魏有鎮北

之號晉武帝重兵官故軍校多選朝廷清重之士居

之置中軍將軍以統宿衛七軍及五王作難東海王

越以頃興事皆由殿省乃奏宿衛有侯爵者皆罷之

時殿中武官並封侯由是出者略盡皆涕泣而去乃

以東海國官領左右衛以國兵宿衛晉宋以來以領

軍護軍左右二衛驍騎游擊將軍謂之六軍

宋輿服志曰驃

騎車騎衛將軍及諸將軍加大者皆金章紫綬其四武冠佩水蒼玉諸軍司馬銀章青綬朝服武冠其四

安四平左右前後征虜等將軍及四中郎將晉代荀

羨王胡之並居此官宋齊以來唯處諸王素族無為

者齊以二衛四軍五校驍騎游擊積射彊弩殿中員

外殿中武衛七將軍殿中司馬左右及虎賁之中郎
將冗從僕射羽林監武騎常侍謂之西省而散騎為
東省梁武帝以將軍之名高下舛雜命更加釐定於
是有司奏置一百二十五號將軍以鎮衛驃騎車騎
為二十四班四征四中為二十三班八鎮為二十二
班八安為二十一班四平四翊為二十班凡三十六
號為重號將軍又有五德將軍忠勇軍師武臣爪牙
龍騎雲麾領兵翊師
宣惠果毅智威仁威勇威信威嚴威智武
仁武勇武信武嚴武是為五德將軍也以班多者
為貴凡十二品二十四班品取其盈數班法氣候之
數制簿悉以大號居後以為選法自小遷大也前史

所記以位得從公故將軍之名次于台槐之下至是
備其班品叙於百官之外凡一百二十五將軍後魏
將軍之名多矣謂驃騎車騎衛為三將軍末年有八
柱國大將軍其中六人各督二大將軍凡十二大將
軍元贊元育元廓侯莫陳順宇文遵達奚武李
遠豆盧寧宇文貴賀蘭祥楊忠王雄是也又各
分統開府一人一開府領一軍兵是為二十四軍分
掌禁旅當爪牙禦侮之寄自大統十六年以後功臣
位至柱國及大將軍者衆矣咸是散秩無復統禦後周
武帝三年改諸軍
軍士並為侍官隋煬帝以左右衛左右屯衛左右
禦衛左右候衛凡十二衛各置大將軍一人將軍二

人以總府事

每衛各置長吏錄事參軍司倉兵騎鎧等參軍員軍人總名衛士

蓋魏

周十二大將軍之遺制唐武德初秦王既平王世充

及竇建德高祖以秦王功殊今古自昔位號不足以

為稱乃特置天策上將軍以拜焉位在王公上及升

儲宮遂廢天策府二年七月高祖以天下未定事資

武力將舉關中之眾以臨四方乃置十二軍分關中

諸府以隸焉

以萬年道為參旗軍長安道為鼓旗軍富平道為玄戈軍醴泉道為丹鉞軍同

州道為羽林軍華州道為騎官軍寧州道為折威軍

岐州道為平道軍幽州道為招搖軍麟州道為苑游

軍涇州道為天紀軍

重者為之

楊恭仁劉弘基長督咩戰之備自是士馬

重者為之 每軍將一人副一人取威名素

彊勁無敵於天下五年省七年以突厥寇掠復置十

二軍後又省之其後定制有左右衛左右驍左右武

左右威左右領軍左右金吾左右監門左右千牛凡

十六衛大將軍各一人

左右衛及左右金吾總謂

將

軍總三十人

左右千牛衛將軍各一人餘衛各二人

左右羽林左右龍

虎左右神虎六軍大將軍各一人將軍各三人皆有

衛署其餘驃騎輔國鎮軍冠軍四大將軍雲麾勇武

壯武宣威明威定遠寧遠游騎游擊等九將軍並為

五品以上武散官九天二年正月十日詔往者衛士

計戶取充使二十一人入幕六十出軍既憚劬勞咸

欲避匿今改取二十五以上充十五年即放出類經
征鎮者十年放出自今已後羽林飛騎先於衛士中
簡擇開元六年始詔折衝府兵每六歲一簡自高宗
武后時天下久不用兵府兵之法浸壞番役更代多
不以時衛士稍稍亡匿至是益耗散宿衛不能給宰
相張說乃請一切募士宿衛十一年取京兆蒲同岐
華府兵及白丁而益以潞州長從兵共二十萬號長
從宿衛歲一番命左丞蕭嵩與州刺史共選之明年
更號曰曠騎

臣謹按宋志曰宍從僕射漢東京有中黃門宍

從僕射非其職也魏代因其名而置宍從僕射
職官要錄曰本期門之職後漢桓帝時置宍從
僕射掌諸散從其射事則主帥之

左右衛

并親衛官屬附

漢京師有南北軍掌理禁衛

南軍若唐諸衛北軍若唐羽林等軍周勃馳入

北軍是也

初有衛將軍魏末晉文王又置中衛將軍武帝

受禪分中衛為左右衛將軍

以羊琇為左趙序為右

並置佐吏

皆掌宿衛營兵銀章青綬武冠絳朝服佩水蒼玉宋
齊謂之二衛各領營兵每暮一人宿直後增二衛儀
從為九十人陳因之後魏永光初又增置左右衛將

軍各二人北齊二人分掌左右廂所主朱華閣以外
 各武衛將軍二人貳之隋之初左右衛大將軍各一
 人將軍各二人又各統親衛煬帝改左右衛為左右
 翊衛又加置親衛并領勳武二衛煬帝改其所領軍
 三衛為二侍非翊衛府皆無三侍
 士名為驍騎唐復為左右衛大將軍各一人掌官掖
 禁禦督
 將軍各二人貳大將
 軍事

長史左右衛各一人晉武帝置左右衛各有長史司
 馬東晉省長史歷宋齊梁陳後魏北齊並同至
 隋左右衛各置長
 史一人唐因之

錄事參軍左右衛各一人東晉元帝初為鎮東大將
 軍置錄事參軍自後無梁皇子府有錄事
 參軍各一人後魏二人公府及第一第二第三品將
 軍府及始蕃王二蕃王三蕃王府各有錄事參軍官

北齊因之隋左右衛府各
 有錄事參軍一人唐因之

倉曹參軍左右衛各二人東晉元帝為鎮東大將軍
 有倉曹參軍宋武帝相府亦置後魏與錄

事參軍同置北齊因之隋左右衛府
 各有倉曹參軍一人唐因之置二人

兵曹參軍左右衛各二人歷
 代皆與倉曹同置

騎曹參軍左右衛各一人魏司馬景王為大將軍有
 騎兵宋武帝為相有騎兵參軍隋左右衛

府有騎兵參軍唐初
 因之其後改為騎曹

冑曹參軍左右衛各一人東晉元帝為鎮東大將軍
 有鎧曹參軍宋武帝為相亦有之齊有左

右鎧曹各一人隋左右衛府有鎧曹行參軍事一人
 唐因之長安初改為冑曹神龍初復為鎧曹開元初

復為冑曹凡自十六衛及東宮十率府錄事及兵倉
 騎冑等曹參軍通謂之衛佐並為美職漢魏以來諸

將軍有長史以下官屬及唐諸衛所置蓋亦因其
 舊號考其資位則全校微矣其下諸衛官屬並同

左右親衛中郎將府中郎將之名秦漢以來有之隋每衛各置開府一員以統之唐武德七年改開府為中郎將親衛為一府勳衛翊衛各為一府中郎將各一人掌領校尉以下宿衛總判府事唐武德七年改親衛驃騎將軍為之其勳翊二衛亦然左左右郎將一人隋備身府置左右郎將唐因其名武德七年改親衛車騎將軍為之其勳翊二衛亦然掌武中郎將之職錄事參軍一人掌受府事兵曹參軍一人掌判府事校尉五人

左右驍衛

漢有驍衛將軍謂之雜號將軍武帝以李廣為之後省後漢初改屯衛為驍騎置為中軍晉領營兵兼統宿衛梁以來其任愈重天監六年置左右驍騎領朱衣直閣並給儀從北徐州刺史昌義之首為此職出

則羽儀清道入則與二衛通右且臨軒則升殿俠侍改

舊驍騎曰雲騎陳有左右驍騎及雲騎韋翹為驍騎將軍素有名

每大事常令俠後魏北齊並有驍騎將軍之職後

周有左右驍騎率上士隋開皇十八年置備身府煬

帝即位改左右備身府為左右驍衛府所領軍士名

曰豹騎其備身府又別置焉唐因隋置左右驍衛府

龍朔二年去府字光宅元年改左右驍衛為左右武

威神龍元年復舊大將軍各一人所掌與左右衛司

將軍各二人以副之領官屬並隋置唐因之同左右衛

左右武衛

後漢末曹公為丞相有武衛營及魏文帝乃置武衛將軍以主禁旅晉宋齊梁隋又有建武奮武廣武等將軍至隋採諸武之名置左右武衛大將軍一人將軍二人以總府事煬帝改所領軍士名熊騎唐光宅元年改為左右鷹揚衛神龍元年復為武衛其制與隋同所掌如左右衛領官屬並隋置唐因之同左右衛

左右威衛

隋初有領軍府煬帝改為左右屯衛唐因之貞觀十二年左右屯衛始置飛騎出游幸即衣五色袍乘六閑馬賜猛獸衣韉而從焉龍朔二年改左右屯衛為

左右威衛而別置左右屯營亦有大將軍等官

尋改左右

屯營為羽林

光宅元年改威衛為豹韜衛神龍元年復舊

所掌如左右衛

領官屬並隋置唐因之同左右衛龍朔三年左右威衛舊官之員外各置

錄事參軍一人府三人史四人並隸左右羽林軍統本司事

左右領軍衛

初魏武為漢丞相相府自置領軍非漢官也建安十

二年改為中領軍以史渙為之與護軍韓浩皆領禁

兵文帝受漢禪始置領軍將軍以曹休為之主五校

中壘武衛三營晉武帝初省使中軍將軍羊祜統二

衛前後左右驍騎七軍營兵即領軍之任也祜遷罷

復置北軍中候懷帝永嘉中改中軍曰中領軍元帝
永昌元年復改曰北軍中候尋復為領軍成帝時復

以為中候而陶侃居之尋復為領軍魏晉領護皆金

章紫綬中領中護銀章青綬武冠絳朝服佩水蒼玉

晉郗鑒庾亮紀瞻卞壺陸曄褚翼王彪之會稽王
道子沈嘉武陵王遵孔安國謝鯤等並為領軍宋

置領軍將軍一人掌內軍護軍將軍一人掌外軍齊

有領軍及中領軍梁領軍將軍管天下兵要謂之禁

司與左右僕射為一流中領軍與吏部尚書為一流

梁蕭景為領軍將軍管天下兵要監局官僚皆近侍
多驕侈景在職峻切官曹肅然其監局多事唯景及
居此職並著聲稱陳因之後魏有領軍護軍二職若侍臣

中又有領軍將軍護軍將軍二將軍與領護不並

置北齊領軍府凡禁衛官皆主之以高歸彥為領軍

大將軍領軍加大自歸彥始隋有左右領軍府各掌

十二軍籍帳差科辭訟之事不置將軍唯有長史司

馬諸曹掾屬等官煬帝改領軍為左右屯衛即左右威衛

唐復採舊名別置領軍衛分為左右龍朔二年改為

左右戎衛咸通元年復舊光宅元年改為左右王鈐

衛神龍元年復舊各置大將軍一人掌宮掖禁備督

攝隊伍與左右諸衛同將軍各二人以副之長史齊

有之北齊有長史司馬隋置錄
事以下諸曹唐因之同左右衛

左右金吾衛

秦有中尉掌徼循京師如淳曰所謂游徼循禁備盜賊也顏師古曰徼謂遮繞

漢武帝太初元年更名執金吾顏師古曰金吾鳥名職主先導以備非常故

執此鳥之象因以名官緹騎二百人緹騎無秩比史食俸五百

二十人輿服導從光生蒲路羣僚之中斯最壯矣光武

微時數曰在官當為執金吾舊掌京師盜賊考按疑事後漢掌宮

外戒司非常水火之事衛尉巡行宮中金吾徼巡宮外相為表裏以擒姦討猾

月三繞行宮外及主兵器自中興但專徼循不與他

政魏武秉政復為中尉晉初罷直至後周置武環率

武侯率下大夫各二人隋置左右武侯府大將軍一

人將軍三人掌車駕出入先驅後殿晝巡夜察執捕

姦非烽候道路水草所宜巡符師田則掌其營禁煬

帝大業三年改為左右武侯衛所領士名攸飛漢百官表

曰漢有左弋令武帝太初元年更名攸飛掌弋射屬少府光武省之隋氏採舊名唐初又為

左右武侯府龍朔二年改為左右金吾衛置大將軍

一人所掌與隋同將軍二人副其事領官屬並隋置唐因之

左右監門衛

隋初有左右監門府將軍各一人掌宮殿門禁及守

衛事各置郎將二人校尉直長各三十人有長史司馬錄事及

倉兵二曹參軍鎧曹行參軍各十人二漢有城門校尉掌京師城門屯兵非今任也煬帝改將

軍為郎將各一人正四品署官屬並同備身府唐左
右監門府置大將軍中郎將等官龍朔二年改府為
衛大將軍各一人所掌與隋同將軍各二人以副之
中郎將各四人分掌諸門以時巡檢領官屬並隋置唐因之

左右千牛衛

千牛刀名後魏有千牛備身掌執御刀因以名職謝綽
宋拾遺有千牛刀即人君防身刀也齊尚書楊王夫
取千牛刀殺蒼梧王是也其義蓋取莊子云庖下解
牛十九年所割者數千牛而刀北齊千牛備身屬左
右將軍隋有左右領左右府大將軍一人將軍二人
掌侍衛左右供御兵仗領千牛備身十二人掌執千

牛刀備身左右十二人掌供御刀箭備身十六人掌

宿衛侍從左右置長史司馬錄事及舍煬帝改左右

領左右府為左右備身府置備身郎將等官唐貞觀

中復為左右領左右府顯慶五年始置左右千牛府

龍朔二年改左右千牛府為左右奉宸衛後改為左

右千牛衛神龍二年各置大將軍一人所掌與隋同

總判衛事將軍各一人以副之中郎將各一人通判

衛事領官屬即隋左右領左右左右千牛備身各十二

人掌執御刀宿衛侍從皆以門蔭子弟年少姿容美

選備身左右十二人執御刀弓箭備身各一百人宿掌

從侍

左右羽林衛

漢武太初元年初置建章營騎後更名羽林象天文

主車宣帝令中郎將騎都尉監羽林謂之羽林中郎

將領郎百人謂之羽林郎選隴西漢陽安定北地西

河上郡良家子便弓馬者以為之一名巖郎後漢志

游獵還宿駁階巖又置羽林左右監後漢志曰羽林

下室中故號巖郎取從軍死事之子孫養之羽

林官教以五兵號曰羽林孤兒光武中興以所征伐

士勞苦者為之其後復簡五營高手別為左右監羽

林父死子繼與虎賁同所居之處謂之寺延熹六年

林即住寺不二漢並屬光祿勳後漢竇固蜀魏羽林

左右監與漢同夏侯太初為晉罷羽林中郎將又省

一監置一監而已哀帝省宋武帝永初初復置江右

領營兵江左無復營兵羽林監及虎賁中郎將並銅

印黑綬武冠絳朝服其在陛列則鶡尾冠鶡鳥每關

絳紗縠單衣江左不復著鶡冠齊因之後魏有羽林

監北齊置監十五人後周有左右羽林率屬大司馬

隋煬帝改左右領軍為左右屯衛所領兵為羽林唐

貞觀十二年於玄武門置左右屯營以諸衛將軍領

之其兵名曰飛騎又於飛騎中簡材力驍捷善射者
號為百騎扈從游幸則衣五色袍乘六閑馬賜猛獸
衣韉龍朔二年改左右屯營為左右羽林軍武太后
臨朝永昌元年改百騎為千騎天授中改軍為衛中
宗景龍元年改千騎為萬騎大將軍一人大足元年
衛各增置所掌與左右衛同將軍各二人以副之左右羽林
將軍一人
屬並
唐道

左右龍虎軍

唐之初有禁兵號為百騎屬羽林永昌元年改羽林
百騎為千騎景龍元年改千騎為萬騎仍分為左右

營開元二十六年析羽林軍為左右龍虎軍以左右
萬騎營隸焉官屬並唐置至德中分置左右神虎軍
各置官屬如羽林之制

武官第八下

大將軍

并官屬

大將軍戰國時官也楚懷王與秦戰秦敗楚虜其大
將軍屈丐是矣漢高帝以韓信為大將軍武
帝又置初武帝以衛青數征伐有功以為大將軍欲
尊寵之故置大司馬官號以冠之青為車騎將軍擊
匈奴有功引兵還帝使使者持大將軍印因軍中拜
青為大將軍位在公上又加青大司馬位冠於大將
軍上共為一官後霍光王鳳等皆然成帝綏和二年
賜大司馬印綬罷將軍官後漢光武時吳漢以大將
軍為大司馬時以大將軍自為一官其大司馬不加
於其上
和帝時以竇憲為之舊大將軍位在三公下

置官屬依太尉憲威權震朝廷公卿希旨漢憲位次
 太傅下三公上長史司馬秩中二千石從事中郎二
 人六百石自下各有增自安帝即位治衰缺始以嫡舅
 耿珪為大將軍常在京都順帝即位又以皇后父兄
 弟相繼為大將軍如三公漢末猶在三公上魏武為
 大將軍袁紹為太尉紹班在下魏武乃因以大將
 軍推紹魏黃初中又有上大將軍為太尉然則大將
 青龍三年晉宣帝自大將軍為太尉然則大將軍在
 三司下矣其後又在三司上自漢東京大將軍亦常
 置為之者皆擅朝權至晉景帝為大將軍亦受非常
 之任後以叔父爭為太尉奏改大將軍在太尉後位
 次三司下後復舊在三司上太康元年琅邪王佃遷
 大將軍復制在三司下佃薨復如舊冠冕亦與晉同
 司馬以為贈梁有之陳以為贈後魏北齊為二大與大
 齊馬同後周建德四年增置上大將軍隋並以武
 散官不治事上大將軍從二品大將軍正三品唐貞
 觀二年九月勅六軍先已各置統軍一人今十六衛
 宜各置上將軍一人秩從二品漢不見官屬後漢大
 將軍驃騎將軍車騎將軍衛將軍有長史一人司馬

一人從事中郎二人掾屬二十九人令史及御屬三
 十人又賜官騎四十一人及鼓吹其領軍皆有部曲
 大將軍營五部部校尉一人軍司馬一人部下有曲
 曲有軍候一人曲下有屯屯長一人其不置校尉部
 各隨時宜門有門候魏以司馬景王為大將軍掾十
 人則無屬官其驃騎車騎府有長史司馬晉驃騎衛
 將軍伏波撫軍都護鎮軍中領四征四鎮龍驤典軍
 上軍輔國等大將軍開府者皆為位從公品秩俸賜
 亦與諸公同加兵者增置司馬一人從事中郎二人
 主簿記室督各一人官屬並與公同後周有大將軍
 長史司馬中郎掾屬諸曹參軍典籤等員隋以後無
 車騎將軍漢文帝元年始用薄昭為車騎將軍灌嬰
 反以舅馬防行車騎將軍征之銀印青綬在卿上絕
 席還復罷和帝即位以舅竇憲為車騎將軍征匈奴
 始賜金紫次司空安帝即位西羌寇亂以舅鄧騭為
 車騎將軍征之數年復罷靈帝數以拜嬖臣又以贈
 之魏車騎為都督儀與四征同若不為都督雖持節
 屬四征者與前後左右雜號將軍同其或散還從文

官之例則位次三司晉宋車騎衛不復為四征所督
驍騎同隋車騎屬驍騎府唐省之

衛將軍 漢文帝始用宋昌為衛將軍位亞三司其官
屬附見大將軍後凡驍騎車騎衛三將軍皆

金印紫綬同武冠絳朝服佩水蒼玉晉以陸曄為衛將
軍兼儀同三司加千兵百騎東晉已後尤為要重後

魏初加大則次儀同三司孝文太和制加
大則位在太子太師上歷代多有唐無之

前後左右將軍 皆周末官秦因之位上卿金印紫綬
漢不常置或有前後或有左右皆掌

兵及四夷李廣為前將軍趙充國為後將軍辛慶忌
王商為左將軍馮奉世為右將軍光武建武七年省

魏以來復置晉武初又置前軍左軍右軍泰始八年
又置後軍是為四軍齊亦號前後左右四軍陳並有

之北齊左右將軍 皆漢魏以來置加大者始曰方面征東
領千牛備身唐無

四征將軍 皆漢魏以來置加大者始曰方面征東
軍漢獻帝初平三年以馬騰為之咸云以

張遼為之征西將軍光武建武中以馮異為征西大
將軍征南將軍建武二年置以馮異為之中置劉靖為

為征南大將軍征北將軍魏明帝太和初置劉靖為
之魏黃初中位次三公後魏加大則次衛將軍唐無

四鎮將軍 鎮東將軍後漢末魏武帝為之鎮南將軍
鎮西將軍後漢劉表為之魏張魯晉杜預並為之鎮北

將軍魏明帝太和初置劉靖許允並為之宋時四鎮
與中軍為雜號後魏

加大次尚書令唐無

西安將軍 安東將軍後漢陶謙曹休並為之安南將
軍光武元年始以岑彭為之安西將軍後

漢末段熲魏鍾會石鑿並為之安北
將軍晉以郗鑒為之後魏亦有唐無

四平將軍 平東將軍晉杜預王濬等為之平南將軍
平盧將軍晉杜預王濬等為之平西將軍晉嵇

紹為之平北將軍漢獻以張燕晉以阮
坦為之並漢魏間置後魏亦有唐無

雜號將軍 歷代雜號將軍凡數百不可具載今錄其
著者上將軍漢以呂祿為之騎將軍漢

武帝以公孫敖及公孫賀為之樓船將軍漢元鼎六年以韓說
三年以荀彘為之橫海將軍漢李息為之掌治宮
為之擊東越有功廣利為之征貳師城取善馬故以
室貳師將軍李廣武以公孫賀為之伏波將軍
漢武帝征南越始置此號以路博德為之
亦為之伏波者船涉江海欲使波浪伏息
軍漢武帝以公孫敖為之疆弩將軍漢武帝以李
沮水為之計比狄奮威將軍漢武帝以任千秋為之
平度遼將軍漢武帝初以范明友為之後漢明帝永
平八年又置屯五原銀印青綬積射將軍漢有之
射疆弩將軍主之建威將軍漢元帝以韓安國王
晏並為之九虎將軍征虜將軍王莽拜將軍九人皆以虎為
號九虎將軍亦為之虎牙將軍後漢建武中始以祭
為之後張飛亦為之
與諾將軍絕席捕虜將軍後漢中魏武以曹洪為之
破虜將軍

後漢末以孫堅為之討逆將軍後漢以孫策為
之討虜將軍後漢末以孫權為之安漢將軍蜀
以千禁為之班在軍師將軍之右武帝置以司馬懿為之
以王渾為之橫江將軍吳魯肅為之寧朔將軍魏
晉武帝始以王濬為之殿中將軍宋初置之黑
狗將軍後魏于栗磾好持黑稍以自衛劉裕書與之
曰黑稍公麾下明帝因授黑稍將軍牙門將軍冠
服與將軍同魏文帝黃初中置明帝以胡烈為之又
王隱晉書云陸機少襲父為牙門將軍吳人重武官也
故晉惠帝特置四部牙門以汝南王祐為之蜀以趙
雲為
監軍 齊景公使穰苴將兵捍燕晉之師穰苴願得君
是其始也漢武帝置監軍使者光武以來欵監諸將
後漢末劉焉以監軍使者領益州牧劉璋亦為監軍
使者魏晉世皆有之魏特司馬昭征壽春石苞為監
軍鍾會伐蜀衛瓘為監軍晉孟康持節監石苞諸軍

通志職官卷五

一六

事初隗囂軍中嘗置軍師囂聘平陵人方望為之又袁紹請盧損為軍師至魏武帝又置師官四人以荀攸為左軍師吳朱然為右軍師蜀以諸葛亮為軍師將為左軍師吳朱然為右軍師蜀以諸葛亮為軍師將軍晉避景帝諱改為軍司凡諸軍皆置之以為常員所以節量諸軍亦監軍之職也而太尉軍司尤重故山公啓事曰太尉軍司缺當選上宰監宜得宿有資重者也宋齊以來此官頗廢至梁大通四年元法僧北討復以羊侃為其太尉軍司後代多不置至隋末或以御史監軍事唐亦然時有其職非常官也開元二十年後並以中官為之謂之監軍使軍師祭酒後漢建安三年曹公還許初置此官理曹掾屬後漢建安十九年魏武令曰軍中典獄者或非其人而任以三軍死生吾甚懼之遂署此選明達法理者為之

三署郎官叙

漢中郎將分掌三署郎有議郎中郎皆比六百石侍郎比四百石

郎中比三百石凡四等皆秦官無員多至千人漢靈帝時三署

千餘人皆掌門戶出充車騎其散郎謂之外郎故卿校尉牧

守待價於此公車特召賢良方正敦樸有道高節公

府掾曹試博士者亦充茲位其下第白衣試博士者

皆拜郎中中郎有五官左右三將謂五官中郎將

有車戶騎三將如淳曰主車曰車郎主戶曰衛曰戶郎

主左右車郎左右戶郎凡郎官皆主更直執戟宿衛諸

殿門唯議郎不在直中漢儀曰三署郎見光祿勳執

拜於三公郎官故事令出錢市財用給文書乃得出諸卿無敬時號曰山郎謂以貲財為郎山貧者或至經歲不得

休沐其豪富郎日出遊戲或行錢得善部貨賂流行
轉相放效楊惲為中郎將罷山郎其疾病休沐皆以
法令有過奏免薦舉其高第有行能者多至郡守九
卿三署化之莫不自勵宮殿之內翕然同聲其後遂
以為常後漢和帝永元元年初令郎官凡三署郎官
詔除者得占丞尉以此秩為真
二漢並屬光祿勳光祿選三署郎有行應四科者歲
舉茂才二人四行二人又上廉吏六人為長治劇墮
缺多少萬戶以上為劇縣其缺少者不選公府亦然
故明帝時館陶公主為子求郎帝不許賜錢千萬曰
夫郎官上應列宿出宰百里有非其人人受其殃

漢書郎官上應列宿出宰百里為尚書郎故事止夫天
謂郎官上應列宿出宰百里為尚書郎故事止夫天
星名為郎位入奉宿衛出牧百姓云云案自近代皆
有虎賁郎位等星皆在太微帝座之後為羽衛之象
則三署郎也而世人謂之尚書郎則誤矣微其失也
蓋自梁陶藻職官要錄以漢
三署郎故事通為尚書郎
舊有郎中將右騎光武
中興悉省之晉議郎遷為太守山公啓事曰議郎許
允宜參廣漢太守選
亦有郎中等官其後雖有中郎將等官而無三署郎
矣

中郎將五官左右中郎將皆秦官漢因之並領三署
郎後漢郡國舉孝廉以補
之三署郎年五十以上屬五官後漢黃琬為五官中
郎將時陳蕃為光祿勳深相禮待每與議事舊制光
祿舉三署郎以功高久次才德尤異為茂才四行特
權富者多以人事得舉而安貧守志者見遺京師謠

曰欲得不能光祿茂才於是蕃琬同心顯用志士故皆為權富郎所中傷其次分屬左右署左右郎將各領左右署郎二署皆有中郎侍郎郎中三郎並屬光祿勳魏無三署郎猶置左右中郎侍郎郎中晉武帝省左右中郎將官宋孝武大明中復置銀章青綬武冠絳朝服佩水蒼玉齊左右中郎將屬西省梁代並分司丹禁唐亦置諸衛中郎將又改為翊軍郎將尋復舊郎中郎將為旅賁郎將又改為翊軍郎將尋復舊

虎賁中郎將 周官有虎賁氏掌領虎士八百人漢武行出游選材力之士執兵從送期之諸門故名期門無員多至千人平帝元始元年更名虎賁郎舊曰虎賁言如虎之奔置中郎將領之故有虎賁中郎將主虎賁宿衛冠插兩鷄尾鷄鷲鳥之中果勁者尾上黨所貢後漢崔鈞為虎賁中郎將武弁戴鷄尾紗縠單衣虎文錦袴餘郎亦然凡有虎賁中郎將虎賁侍郎虎賁郎中節從虎賁皆父死子繼若死王事亦如之前賢亦多為者後漢馮援孔融並為虎賁中郎將魏桓階為虎賁中郎將

選尚書典選唐無

東西南北四中郎將 東中郎將後漢靈帝以董卓為盧植為西中郎將晉以謝曼桓冲為之北中郎將後漢以盧植為之建安中以鄢陵侯曹彰為之按此四中郎將並後漢置江左彌重或領刺史或持節為之銀印青綬服同將軍後魏靈太后時四中郎將兵數寡弱不足以襟帶京師任城王澄奏宜以東中帶禁陽郡南中帶魯陽郡西中帶弘農郡北中帶河南郡選一品三品親賢兼稱者居之配以疆兵則深根固本之計也靈太后初從之後復止唐至德後節度其遺職也

雜中郎將 匈奴中郎將後漢主護南單于以張奐為之廣州主護南越司金中郎將趙王循為之武衛中郎將魏始以許楛為之

折衝府 隋初左右衛左右武衛左右武衛侯各領軍坊驃騎將軍為鷹揚副郎將

驃騎將軍為鷹揚副郎將

五年及武勇驍副郎將為驍擊郎將九年別置折衝
果毅及武勇驍副郎將為驍擊郎將九年別置折衝
有驍騎府及驍騎車騎將軍之制武德七年乃改驍
騎為統軍車騎為別將貞觀中復採隋折衝果毅即
將之名改統軍為折衝都尉別將為果毅都尉其府
多因其地各自為名無鷹揚之號凡五百七十府
分置於諸州而名隸諸衛及東宮率府各領兵滿一
千二百人為一府千人為中府八百人為下府每府
置折衝都尉一人左右果毅都尉各一人別將一人
長史一人兵曹一人左右果毅都尉各一人別將一人
在畿縣為畿府衛士以三百人為團團有校尉五十
人為隊隊有正十人為火火有備每歲十一月以衛
士帳上于兵部以候調發天下衛士向六十萬人初
置以漸久而入六十出役其家不衛士免王徭遂漸
以無兵可校故也十一年八月改諸衛士為武士
奉車駙馬騎三都尉奉朝請二年都尉置舊無員或以
常侍或卿尹校尉左遷為之奉車掌御乘輿車駙馬
掌駙馬駙副也非正駕車者騎都尉本監羽林騎

朝請者漢律諸侯春曰朝秋曰請後漢並屬光祿
奉朝請無員本不為官東京罷省三公外戚皇室
外戚為三都尉奉朝請元帝為晉王以參軍為奉
奉朝請後罷奉車駙馬都尉行參軍舍人為騎都尉皆
諸尚公主者若劉浹桓温等皆為之宋武帝永初以
來以朝請選雜其尚公主者唯拜駙馬都尉齊武帝
求明中奉朝請至六百餘人梁三都尉並無員秩其
奉車駙馬皆武冠絳朝服銀印青綬梁陳駙馬皆尚
公主者為之後魏駙馬都尉亦為尚公主官雖位高
卿尹而此職不去奉車二十人騎都尉六十人北齊
駙馬與後魏同隋開皇三年罷奉朝請場帝時奉車
駙馬並廢唐駙馬都尉從五品皆依式仍借紫金魚袋
三年勅駙馬都尉從五品皆依式仍借紫金魚袋
天寶已前皆以美儀容者充選奉車都尉五員掌馭
副車不常置若大備陳設
則以餘官攝行屬左右衛

東宮官第九

通志職官各五

二十

東宮官序

凡三王教世子必立太傅少傅以資之太傅則示之

父子君臣之道少傅則奉世子以觀太傅之德行而

審諭之太傅在前少傅在後謂其在入則有保出則

有師謂燕居出入時也漢班彪上書曰昔成王為孺

子出則周公召公入則太顛闕夭南宮适散宜皆正之以禮師也者教之以事而諭諸德者也保也

者慎其身以輔翼之而歸諸道者也秦漢以下始加

置詹事中庶子及諸府寺等官亦有以他官而監護

者自魏明帝以後久曠東宮制度闕廢官司不具吳

權即位孫登為太子兼置四友等官以諸葛恪為左

東宮號為多士晉初詹事左右率庶子中舍人諸官

並未置唯置衛率令典兵二傅并攝眾事至咸寧元

年始置詹事以領宮事宋武置東宮率更令等官其

中庶子庶子中舍人舍人洗馬各減舊員之半後周

加置太子諫議員四人至隋罷詹事分東宮置門下

坊典書坊北齊已有以分統諸局北門下內門下坊

有左庶子二人內舍人四人錄事二人統司經宮門

內直典膳藥藏齋帥等六局典書坊有右庶子二人

舍人通事舍人各八人領內坊唐置詹事府以統眾

務置左右二春坊以領諸局左春坊置左庶子二人

中允二人司議郎四人錄事二人左諭德一人左贊善大夫五人崇文館校書二人亦統六局右春坊置右庶子二人中舍人二人舍人四人錄事二人右諭德一人右贊善大夫五人通事舍人八人兼領內坊因隋制也

臣謹按漢孝宣帝欲令中郎將監護太子家疏廣以為示狹非所以廣太子也後漢順帝立太子居承光宮以侍御史种暘監護有中常侍卒乘衣車來載太子太子太傅高寢憂懼不能止開門將出而暘至手劔當車曰太子國之儲副常侍來無尺

一何以得將太子去今日之事有死而已乃遣

詣臺啓白得中決勅乃聽之

太子六傅

太子師傅商周已有逮平列國秦亦有之漢高帝以叔孫通為太子太傅位次太常

後亦有少傅後漢太傅禮如師不領官屬而少傅主太子官屬漢魏故事太子於二傅執弟子禮皆為書

不曰令少傅稱臣而太傅不臣吳薛綜綜子瑩瑩子兼三代並為太子少傅晉泰始三年武帝始建東宮

各置一人尚末置詹事官事無大小皆由二傅少傅立草太傅書真以為儲訓並有功曹主簿五官秩與

後漢同皇太子先拜諸傅然後答之如弟子事師之禮二傅不得上疏曲敬武帝後以儲副體尊遂命諸

公居之以本位重故或行或領時侍中任愷武帝所親敬復使領之蓋一時之制也咸康元年以給事黃

門侍郎揚珽為詹事掌官事二傅不兼領官屬及楊珽為衛將軍領少傅復省詹事遂崇廣傅訓命太尉

賈充領太保司空齊王攸領太傅所置吏屬復如舊二傅皆進賢兩梁冠黑介幘五時朝服佩水蒼玉其

後太尉汝南王亮車騎將軍揚駿司空衛瓘石鑿皆
領傅保猶不置詹事以終武帝之世惠帝元康元年
復置詹事及愍懷太子建宮乃置六傳三大三少焉
晉二傳給采田六頃田廩五十人夏後不及田者食
俸一年給赤耳安車一乘又晉書曰東宮舊制月請
錢五十萬以備眾用景帝諱師故改太師為太帥通
省尚書事詹事文書關由六傳自元康之後諸傳或
三或四或六度江之後有太傅少傅不立師保宋有
太傅少傅各兼丞一人其保傅並銀章青綬齊與宋
同武帝時以王儉為少傅舊太子致敬二傳同至是
朝議接少傅以賓友之禮梁太傅位視尚書令少傅
視左僕射陳因之自宋以下唯有傅而無師保後魏
有太師太傅太保謂之東宮三師少傅少保謂
之東宮三少北齊皆有之出則三師在前三少在後
後周不置隋與北齊同唐六傳不必備
唯其人太子出則乘輅備儀以為後從

臣謹按後魏孝明在東宮宣武皇帝以崔光為太子傅光因辭帝令太子南面再拜宮臣皆從太子

拜光北面立不敢答拜唯西面拜謝而出乃授光
太子少傅又按唐貞觀中太宗撰太子接三師之
儀出殿門迎太子先拜三師答拜每門讓三師坐
與三師書前名皇恐後名皇恐再拜

太子賓客

漢高帝時有四人年老以上慢侮逃匿山

夏黃公角里先生高帝不能致及將廢太子太子致
禮而四人至鬚眉皓白衣冠甚偉高帝異之太子由
是不廢至孝武帝又為太子立博望苑使通賓客晉
元康元年愍懷太子始之東宮惠帝詔曰太保衛瓘
息庭司空隴西王泰息略太子太傅楊濟息茲太子
少師裴楷息憲太子少傅華廙息恒五人與太子往
來以備賓客時雖非官而謂之東宮賓客其後無聞
唐顯慶元年正月以太子太傅兼侍中韓瑗中書令
來齊禮部尚書許敬宗左僕射兼太子少師于志寧
並為皇太子賓客遂為官員定置四人掌調護侍從

規諫凡太子有賓客之事則為上齒蓋取象於四皓
焉資位閑重其流不雜天寶中賀知章自太子賓客
明皇賦詩贈別時議榮之

太子詹事 秦官漢因之掌皇后太子家漢時太子門
大夫庶子洗馬舍人皆屬二傳其太子家

令丞率更令丞僕中盾衛率等官並屬詹事後漢省
詹事而太子官悉屬少傅魏復置詹事領東宮眾務

晉不置至咸寧元年復置以掌宮事及永康中復不
置自大安以來又置終孝懷之世晉職擬尚書令掌

三令四率中庶子庶子洗馬舍人等官銀印青綬介
績進賢兩梁冠絳朝服佩水蒼玉宋與晉同齊置府

領官屬梁陳任總官朝後魏有太子左右詹事北齊
東宮眾事無大小皆統之領三寺二坊又左右衛後

周置太子宮正官尹隋開皇初置詹事二年罷之唐
復置詹事一人掌內外眾務糾彈非違總判府事置

少詹事一人以貳之龍朔二年改詹事為端尹詹事
府為端尹府少詹事為少尹咸通初復舊垂拱元年

又改詹事為宮尹少詹
事為少尹神龍初復舊

臣謹按漢皇后太子各置詹事隨其所在以名官

漢官儀曰詹事位在長秋上亦宦者主中諸官後

漢志曰初成帝鴻嘉三年省詹事職并大長秋是

後皇后當法駕出則中謁中宦者職吏權兼詹事

奉引訖罷宦者誅後尚書選兼職吏一人奉引此

皆皇后詹事也

丞 秦官漢因之後漢省魏晉皆隨詹事省置至晉末
康中詹事特置丞一人掌文書關通六傳過江多

用負外郎及博士為之遷尚書郎宋齊因之梁陳制

一梁冠早朝服銅印墨綬後魏北齊並有之隋初置

簿帳朝集假使分判府事
臣謹按後魏楊昱為詹事丞孝明為太子尚在懷

抱其所出入唯乳母而已不令宮僚聞知昱諫曰
太子動止宜令翼從陛下若召太子必降手勅令
臣下咸知乃詔曰自此已後非朕手勅勿令兒出
宮宮臣在直從至萬歲門

主簿

一人晉始置歷代皆有掌府事及三

司直

二人唐龍朔三年置桂坊比御史臺置令一人

後廢桂坊以司直隸詹事府

太子庶子

古者天子有庶子之官周官謂之諸子職

有大事則帥國子而致於太子唯所用之秦因之置

中庶子庶子負漢因之有庶子負五人史丹王商歐

陽也餘並為中庶子王莽改曰中尚冀子後漢自五

人職如侍中而庶子無負職如三署中郎凡庶子生

宮中并諸吏之適子及支庶版籍魏因之在吳為親

近之官張溫言於孫權曰中庶子官最親密切近

對宜用雋選由是以顧譚為之晉中庶子庶子各四

自職比散騎常侍及中書監令皆以俊茂者為之或

以郡守參選若釋奠中庶子扶左庶子扶右宋與晉

同武冠平巾幘絳朝服元嘉初詔二率中庶子隨太

子入直上宮十四年又詔還直東宮至齊其庶子用

人卑雜梁天監七年詔革選其年以太子中舍人為

徒從事中郎為之凡中庶子四人以功高者一人為

祭酒行則負璽前後部護駕與功高中舍人一人共

掌其坊之禁令庶子四人掌其坊之禁令冠服並同前

功高通事舍人一人共掌其坊之禁令冠服並同前

代陳因梁制後魏亦有中庶子庶子四人領之隋分

中庶子各二人領之典書坊庶子四人領之隋分

右庶子各二人領之典書坊庶子四人領之隋分

分掌左右春坊事左擬侍中而右擬中書令中允司

議郎司經洗馬文學校書正字典膳藥藏內直典設

宮門等局郎丞崇文館並屬右春坊中舍人舍人通

事舍人並屬左右分隸焉

德贊善亦左右分隸焉

中允後漢太子官屬有之職在中庶子下洗馬上漢制太子五日一朝其非朝日即使僕及中允朝

朝請問起居其後無聞宋齊有中舍人是其職也唐

貞觀初改太子中舍人為中允置二員其後復置中

舍人龍朔二年又改中允為左贊善大夫咸亨元年

復為中允而左贊善仍置焉中允掌侍從禮儀駁正

啓奏并監藥及通判坊局事若庶

子闕則監封題職擬黃門侍郎

司議郎唐貞觀五年皇太子表請置史職用司議郎四人精選名

士以居之掌侍從規諫駁正啓奏并

錄東宮記注分判坊事職擬給事中

中舍人晉咸寧初置四人以舍人才學之美者為之

奏事文書皆綜典之監和嘗藥月檢奏直臣名更直

五日典文疏如中書郎宋亦四人齊有一人梁時功

高者一人與中庶子祭酒共掌其坊之禁令陳因之

後魏北齊共有之隋曰內舍人四員屬門下坊煬帝

判坊事擬中書侍郎或謂之太子中書舍人

合人秦官也漢因之比郎中選良家子為之後漢

職比散騎中書侍郎從駕則正直從次直守妃出次

深制後魏亦有之北齊典書坊置二十人隋典書坊

有八人煬帝改為管記舍人減四員唐復為太子舍

人四人掌侍從表啓

宣行令旨分判坊事

通事舍人齊中庶子下有內典書通事舍人二人掌宣傳

令旨內外啓奏梁亦有之視南臺御史多以餘官兼

職陳因之北齊門下坊有通事舍人八人至隋亦有

之煬帝改為宣令舍人八員唐復為通事

舍人亦有八員掌引導辭見承旨勞問

左右諭德唐龍朔三年初置太子左右諭德各

一員掌侍從贊諭職比右散騎常侍

左右贊善大夫唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

唐龍朔二年初置左贊善大夫替中

崇文館學士

魏文帝始置崇文館以王肅為祭酒其後無聞唐貞觀中置崇文館有學士直

學士員掌經籍圖書教授諸王屬左春坊龍朔二年

改司經局為桂坊管崇賢館而罷隸左春坊兼置文

府門北向以象御史臺其後省桂坊而崇賢又屬左

春坊後沛王賢為皇太子避其名改

為崇文館其課試舉選與弘文館同

洗馬秦官漢亦曰先馬如淳曰前驅也國語曰勾踐

親為夫差洗馬先或作洗後漢員十六人職如

謝者太子出則當直者前驅導威儀也漢選郎中補

之安帝時太子謂廟直者高山冠非乘從特著小冠

魏因之晉有八人職如謁者准秘書郎集賢梁冠

置八人掌文翰尤為清選皆取甲族有才子名者為之

位視通直郎陳因之北齊典經坊洗馬二人隋曰司

經局置洗馬四人楊帝減二人唐司經局洗馬二人

龍朔二年改洗馬為司經大夫三年改司經局為桂

坊一云析司經局置桂坊司經大夫通判坊事罷

左春坊咸亨初復舊掌侍奉及經史圖籍判局事

臣謹按梁庾於陵拜洗馬舍人舊東宮官屬通稱

清選洗馬掌文翰尤其清者近代用人皆取甲族

有才名者時於陵周捨並擢充斯職武帝曰官以

人而清豈限於甲族時論美之

文學

漢時郡及王國並有文學而東宮無聞魏武為

建德三年置太子文學十人後省唐龍朔二年置太

子文學四員屬桂坊桂坊廢而屬司經開元中定制

為三員掌侍奉分掌

校書

宋孝建中洗馬有校書吏四人自後無聞北齊

校經籍無郎字初弘文崇文二館置讐校開

元六年省讐校置校書弘文四員崇文二員

正字

隋太子正字亦置二人掌刊正文書唐

典膳郎 漢魏以來並有太子食官局至北齊門下坊始別置典膳局有監丞各二人隋如北齊之制唐典膳局有郎二人丞二人
郎掌進膳嘗食之事丞貳之

臣謹按唐乾封元年皇太子久在內不出典膳丞邢文偉減膳上啓曰竊見禮大戴記曰太子既冠成人免於保傅之嚴則有司過之史虧膳之宰史之義不得不書過不書則死之宰之義不得不撤膳不撤則死之近代以來未甚談議不接謁見常三朝之後但與內人獨居何由發揮聖智使睿哲文明者乎今史雖闕官宰當奉職忝備所司不敢逃死謹守禮經遽申減膳其年右史闕宰臣進擬

數人高宗曰邢文偉嫌我兒不讀書不肯與肉此人甚直可用遂拜焉

藥藏郎 北齊門下坊領藥藏局有監丞各二人侍藥人郎掌和劑醫藥之事丞貳之

內直郎 齊有太子內直兵局內直兵史二人梁有齊內主璽主衣扶持等局各置有司以丞其事

陳因之 北齊門下坊領殿內局有內直監二人副監四人隋如北齊制唐內直局有郎二人丞二人掌符璽繖扇几杖衣服之事丞貳之

典設郎 南齊置齋居局齋居庫各一人梁有齋內局各置有司以丞其事陳因之北齊門下坊有

齋局有太子齋內閣帥內閣帥各二人隋如北齊制唐典設局有郎四人掌凡大祭祀湯沐灑掃鋪陳之事

宮門郎 秦有太子門大夫漢因之員二人職比郎將

太子謂廟門大夫乘從冠兩梁冠魏因之晉太子門

大夫准公車令掌通牋表及宮門禁防宋因之梁代

視謁者僕射陳因之北齊謂之門大夫坊弁統伶官

隋煬帝改門大夫為宮門監唐初為宮門大夫後為

宮門局有郎二人丞二人郎掌東

太子家令 家令秦官屬詹事太子稱家故曰家令漢

代太子食湯沐邑十縣家令主之職似司農少府漢

倉穀飲食魏因之晉又兼主刑獄職比廷尉司農少

府其家令率更令及僕射為太子三卿太康八年進

品與中庶子二率同自漢至晉家令在率更下宋則

署上銅印墨綬進賢兩梁冠絳朝服主內茵褥牀

齊因之自宋齊以來清流者不為之至梁天監六年

武帝以三卿陵替乃詔革選家令常侍率更僕視黃

門乘因之後魏亦曰三卿北齊詹事領家令有丞功

主簿領食官典倉司藏等三署及領內坊令丞隋

主簿一人領食官署典倉署司

太子率更令 率更令秦官顏師古曰掌知漏刻故曰

職似光祿勳而屬詹事後漢因之為太子少傅屬官

魏因之晉主宮殿門戶及賞罰事銅印墨綬進賢兩

梁冠絳朝服宋齊因之梁陳後魏並有北齊領中盾

署掌周衛禁防漏刻鍾鼓亦屬詹事隋掌伎樂漏刻

有令丞錄各一人唐人因之加掌皇

族次序及刑法事丞主簿各一人

太子僕 僕秦官漢因之又有長丞主車馬又有太子

如太僕太子五日一朝其非太子朝日即與中允入

問起居魏因之晉主輿馬兼主親族如大僕宗正從

駕乘安車次家令而屬詹事宋齊並有之梁視黃門

郎陳因之後魏亦有北齊詹事領僕寺置令丞功曹

主簿領廐牧署令隋僕寺置僕一人掌皇族親疏車

輿騎乘領廐牧署令丞唐因之加掌儀仗喪葬而不

掌刑法食膳倉庫奴婢等場帝改為司府令唐復

家令寺置家令一人唯不主刑法餘與隋同丞二人

主簿署署令各一人丞各二人

太子率更令 率更令秦官顏師古曰掌知漏刻故曰

職似光祿勳而屬詹事後漢因之為太子少傅屬官

魏因之晉主宮殿門戶及賞罰事銅印墨綬進賢兩

梁冠絳朝服宋齊因之梁陳後魏並有北齊領中盾

署掌周衛禁防漏刻鍾鼓亦屬詹事隋掌伎樂漏刻

有令丞錄各一人唐人因之加掌皇

族次序及刑法事丞主簿各一人

太子僕 僕秦官漢因之又有長丞主車馬又有太子

如太僕太子五日一朝其非太子朝日即與中允入

問起居魏因之晉主輿馬兼主親族如大僕宗正從

駕乘安車次家令而屬詹事宋齊並有之梁視黃門

郎陳因之後魏亦有北齊詹事領僕寺置令丞功曹

主簿領廐牧署令隋僕寺置僕一人掌皇族親疏車

輿騎乘領廐牧署令丞唐因之加掌儀仗喪葬而不

掌刑法食膳倉庫奴婢等場帝改為司府令唐復

家令寺置家令一人唯不主刑法餘與隋同丞二人

掌親族丞主簿各一人統廐牧署廐牧有
令一人丞二人掌車馬閑廐畜牧之事

左右衛率府衛率府秦官漢因之屬詹事後漢主門

建東宮置衛率初曰中衛率泰始五年分爲左右衛

率各領一軍惠帝時愨懷太子在東宮又加前後二

衛率晉志曰凡太子出前衛率導在前黃麾左右二

率從夾道輿車後衛率從在烏皮外並帶戟執刀成

都王頴爲太弟又置中衛率是爲五率及江左省前

後率孝武太元中又置宋齊止置左右二率梁二率

視御史中丞銅印墨綬武冠絳朝服左率領七營右

率領四營陳有一率後魏曰左右衛率北齊謂之左

右衛率坊後周東宮有司戎司武司衛等員隋曰左

右率兼有副率二人唐爲左右衛率府龍朔三年改其府

兼置副率二人唐爲左右衛率府龍朔三年改其府

爲左右典戎衛咸亨元年復舊置率各一人領兵宿

衛皆攝隊伍總判府事副率二人長史錄史及倉兵

曹參軍各一人親府勳府翊府中郎將各一人

臣謹按晉劉卞爲愨懷太子左率知賈后欲害太

子乃問張華華曰君欲如何卞曰東宮衛又如林

四率精兵萬人公居阿衡之任若得公命皇太子

因朝使錄尚書事廢賈后於金墉兩黃門力耳華

不從賈后微聞遷卞雍州刺史卞乃服藥卒又按

兵部尚書

隋以大臣領其職蘇孝慈自兵部尚書拜左衛率轉

尚書如故又按唐以李靖爲中書令行左衛率轉

左右司禦率府隋文帝置左右宗衛其官制如左右

武侍率唐後爲左右宗衛率府龍朔二年改爲左右

司禦衛後改衛爲率府焉副率二人以長史錄事及

倉兵曹參

軍各一人

左右清道率府 隋有左右虞候各置開府一人掌斥
人長史錄事及倉
兵曹參軍各一人

左右監門率府 隋左右監門率各置一人掌諸門禁
門率擬左右監門各置率一人掌門禁之籍副率
二人長史錄事參軍及兵曹二人掌門禁各一人

左右內率府 隋置左右率副率各一人掌領備身以
府各置率一人掌侍衛左右供奉兵仗唐為左右內率
事參軍及兵曹各一人千牛各十六人掌執細刀
弓箭宿衛侍從橫身各
二十八人掌宿衛侍從

旅賁中郎將 一人職如虎賁中郎將宋初置天子有
唐諸率府初有中郎將官永徽元年以太子名忠
或改諸率府中郎將為旅賁郎將其郎將改為翊軍
或省

太子孫官屬 唐初置府寮高宗召吏部郎中王方慶問曰
前代故事如何方慶進曰按周禮有嫡孫漢魏以來
皇太子在亦不立太孫晉惠帝末寧元年立愍懷太
子第三子襄陽王尚為皇太孫太子官屬即轉為太
孫官屬南齊末明十年立文惠太子長子南郡王昭
業為皇太孫便居東宮今皇太子在而立太孫旁求
載籍未有前例上曰自今我作古可乎對曰五帝不
公樂苟不失上下之序不虧政理之道亦何事而不
可詩曰貽厥孫謀以燕翼子禮曰君子抱孫不抱子
孫可以為上父尸以其昭穆同也令陛下肇建皇孫
斯盛典所以彰子孫千億之盛福祚靈長之應也
上悅使方慶詳求典故官屬員品乃奏太孫府置師
曹從事等官各加王府一級後
上頗以為疑竟不被授而止

職官略第五

通志職官略五

太子孫官屬 唐初置府寮高宗召吏部郎中王方慶問曰
前代故事如何方慶進曰按周禮有嫡孫漢魏以來
皇太子在亦不立太孫晉惠帝末寧元年立愍懷太
子第三子襄陽王尚為皇太孫太子官屬即轉為太
孫官屬南齊末明十年立文惠太子長子南郡王昭
業為皇太孫便居東宮今皇太子在而立太孫旁求
載籍未有前例上曰自今我作古可乎對曰五帝不
公樂苟不失上下之序不虧政理之道亦何事而不
可詩曰貽厥孫謀以燕翼子禮曰君子抱孫不抱子
孫可以為上父尸以其昭穆同也令陛下肇建皇孫
斯盛典所以彰子孫千億之盛福祚靈長之應也
上悅使方慶詳求典故官屬員品乃奏太孫府置師
曹從事等官各加王府一級後
上頗以為疑竟不被授而止

職官略第六

王侯第十

歷代王侯封爵

公主并官屬附

昔黃帝旁行天下分建萬國至于唐虞別為五等曰
 公侯伯子男則虞書所謂輯五瑞修五玉是其制也
 夏與唐虞同商制天子之田方千里公侯百里伯七
 十里子男五十里不能五十里者不合於天子附於
 諸侯鄭玄云此乃商所因夏爵三等之制凡四海之內九州州方千里
 州建百里之國三十七十里之國六十五十里之國
 百有二十凡二百一十國名山大澤不以封其餘以

為附庸間田凡九州千七百七十三國千里之外設
方伯五國為屬屬有長十國為連連有帥三十國為
卒卒有正二百一十國為州州有伯八州八伯五十
六正百六十八帥三百三十六長八伯各以其屬屬
於天子之老二人分天下以為左右曰二伯千里之
內曰甸千里之外曰采周制封王者後凡有功之諸
侯大者地方五百里侯四百里伯三百里子二百里
男百里方千里曰王畿其外方五百里曰侯服又其
外方五百里曰甸服又其外方五百里曰男服又其
外方五百里曰采服又其外方五百里曰衛服又其

外方五百里曰蠻服又其外方五百里曰夷服又其
外方五百里曰鎮服又其外方五百里曰藩服周之
初列
爵惟五公侯伯子男分土惟三公侯方百里伯方七
十里子男方五十里並因商制至周公居攝制禮作
樂列爵分土皆五等焉公五百里侯四
百里伯三百里子二百里男一百里凡諸侯世子
世國大夫不世爵使人以德爵人以功謂縣內及列
國諸侯為天
子大夫者不世爵而
世祿所以避賢也諸侯有上大夫卿下大夫上士
中士下士凡五等諸侯之大夫不世爵祿公國孤一
人公之孤
四命大國三卿皆命於天子次國三卿二卿命
於天子一卿命於其君左傳曰管仲受下卿之禮避
天子之二守國高故也明國
高是天子
之命卿也小國三卿一卿命於天子二卿命於其君

每國下大夫五人上士二十七人大國之卿不過三命下卿再命小國之卿與大夫一命其士不命次國之上卿位當大國之中中當其下下當其上大夫小國之上卿位當大國之下卿中當其上大夫下當其下大夫至于周衰諸侯失制號令自己其名不一於是正卿當國謂之相而楚謂之令尹其他異同難悉數矣秦制爵二十等以賞功勞二十徹侯後漢志曰徹侯金印紫綬功大者食縣小者食鄉亭得臣其所食十九關東民後避漢武帝諱改曰通侯或曰列侯十九關內侯類師古曰言有侯號十八大庶長劉昭曰自左大庶長皆軍將也所將庶人更卒故以一為大庶長即大將軍也左右庶長即左右偏裨也十七

車庶長言乘駟馬之車十六大上造言皆主上十五少上造十四右更言主領更率十三中更十二左更十一右庶長言為衆十左庶長九五大夫劉昭曰自公士至五大夫八公乘言得乘公家之車也劉昭曰自吏皆軍吏也然則公乘民爵不得過公乘過者得賞與子孫若同產然則公乘者軍吏之爵最尊七公大夫與下六官大夫加官稍尊也亦謂五大夫列位從四不更言不預更三簪以組帶馬曰簪二上造造成也言有一公士言襄以組帶馬曰襄簪爵命異於士卒劉昭曰步卒之有爵為士者也戰國之際秦項之間權設班寵有加賜邑君者蓋假其位號或空受其爵耳則田嬰為靖郭君白起為武安君魏冉弟為華陽君秦昭王弟為涇陽君及高陵君蔡澤為剛成君其後項梁為武信君陳餘為成安君李左車為廣武君之類是也至漢尤多蓋在封爵之外

辨加漢興設爵二等曰王曰侯皇子而封為王者其
實古諸侯也故謂之諸侯王子封為侯者謂之諸
侯羣臣異姓以功封者謂之徹侯大者不過萬家小
者五六百戶以為差降而諸三國皆連城數十踰於
古制其諸侯功德優盛朝廷所敬異有賜特進者其
位在三公下其次列侯有功德天子命為諸侯者謂
之朝侯其位次九卿下皆平冕文衣侍祠郊廟其稱
侍祠侯者但侍祠而無朝位其非朝侯侍祠侯而以
下土小國或以肺腑宿親若公主子孫或奉先侯墳
墓在京師者亦隨時見會謂之猥諸侯凡諸王侯皆

金璽蓋綬

古者印璽通名今則尊卑有別漢舊儀云

璽赤地綬列侯黃金印龜紐

文曰某侯之印亦以紫綬掌治其國王常冠遠遊

冠綬五采而多朱自稱曰寡人教曰令凡諸侯王官
傳為太傅相為丞相又有御史大夫諸卿皆秩二千
石百官皆如漢朝漢朝唯置丞相其御史大夫以下
皆自置之及七國作亂之後景帝懲之遂令諸侯王
不得治民令內史治之改丞相曰相省御史大夫廷
尉少府宗正博士官武帝改漢內史中尉郎中令之
名內史為京兆尹中尉為執金吾郎中令為光祿勳而王國如故職員皆不
得自置又令諸王得推恩封子弟為列侯於是齊分

為七趙分為六梁分為五淮南分為三又令諸侯十月獻耐金不如法者國除作左官之律附益之法自後諸侯王唯得衣食稅租至成帝綏和元年省內史更令相治民大司空何武奏罷內史相如太守中尉如都尉參職是後中尉爭權與王相奏常不太傅但曰傳漢初論功封列侯者凡百四十有三人蕭何為冠外戚與定天下侯者二人凡列侯金印紫綬大者食縣小者食鄉亭得臣其所食吏民凡皇帝之女公主皆列侯尚之王國有傳初曰太傅相本統後省內史而相理民如郡太守史記曰曹參相齊又曰石慶為齊相舉國皆慕其家行不言而齊國大治而為立石內史治國中尉掌武郎中令秩千石漢本相社也

太僕改曰文學宋志云前漢王大司農衛士長太倉

長列侯國亦有相餘略與王國同公主有家令門尉

亦有賜重封者顏師古曰重封謂加二號耳成帝鴻嘉三年詔七

大夫以上皆令食邑秦木志列侯乃得食邑七大夫即公大夫非七大夫

以下皆復其身及戶勿事是歲又令吏民得買爵賈

級千錢後漢爵亦二等皇子封王其郡為國其列侯

雖鄧寇元勳所食不過四縣為侯國舊制列侯奉朝

請在長安者皆位次三公中興以來唯以功德賜位

特進者次車騎將軍賜位朝侯次五校尉賜位侍祠

侯次大夫其餘以肺腑及公主孫子或奉墳墓亦為

猥諸侯漢官儀曰皇后父兄率為特明帝為四姓小

侯開立學校置五經師外戚樊氏郭氏陰氏馬氏諸子弟立學號曰四姓小侯以

非列侯故曰小侯諸王封者受茅土歸以立社罪侯歸國不

得臣吏民至獻帝建安初封曹操為費亭侯之制自

此始也二十年曹公始置名號侯置五大夫與舊列

侯關內侯凡六等以賞軍功初漢制皇女皆封縣公

主儀服同列侯其尊崇者加號長公主儀服同蕃王

諸王女皆封鄉亭翁主儀服同鄉亭侯漢諸王女亦謂之翁主漢

書謂齊厲王姊為紀公主以紀氏所生因以為號章帝唯特封東平憲王蒼

琅邪孝王京女為縣公主其後漢安帝姊妹亦封長

公主同之皇女蔡邕獨斷曰漢帝子女曰公主儀比諸侯王也

其皇女封公主者所生之子襲母封為列侯皆傳國

于後鄉亭之封則不傳襲末初元年鄧太后封清河

公主分食邑奉王國有傳如師不臣相秩二千石刀曜為魯

官處士皆乘馬隨後內史如郡中尉郎中令掌五大

宿衛如僕主車治書奉使至謁者禮樂長衛士長醫

王長永巷長祠祀長郎中其紹封削絀者中尉內史

官屬亦以率減列侯國置相其秩各如本縣主治民

于侯以戶數為限其官隨國大小為增減食邑千戶以上置

家丞庶子各一人不滿千戶則不置家丞舊置行人

洗馬門大夫等官又悉省諸公主各置家令一人魏
黃初三年初制封王之庶子為鄉公嗣王之庶子為
鄉侯公之庶子為亭侯其後定制凡國王公侯伯子
男六等次縣侯次鄉侯次亭侯次關內侯又置名號
侯爵十八級關中侯爵十七級皆金印紫綬又關外
侯十六級銅印龜紐墨綬五大夫十五級銅印環紐
亦墨綬自關內侯皆不食租虛封爵自魏始而有保
傅相常侍侍郎郎中令中尉大農文學友謁者大夫
諸雜署令丞公主有家令僕丞行夜督郵王太妃有
家令僕丞晉亦有王公侯伯子男六等之封晉令曰有開國

公縣公郡侯縣侯伯子男及唯安平郡公孚邑萬
亭關中關內外等侯之爵戶制度如魏諸王其餘縣公邑千八百戶地方七十
五里大國侯邑千六百戶地方七十里次國侯邑千
四百戶地方六十五里大國伯邑千二百戶地方六
十里次國伯邑一千戶地方五十里大國子邑八百
戶地方五十里次國子邑六百戶地方四十里男邑
四百戶地方四十里武帝受禪之初泰始元年封建
子弟為王二十餘人以郡為國邑二萬戶為大國置
上中下三軍兵五千人邑萬戶為次國置上軍下軍
兵三千人邑五千戶為小國置一軍兵千五百人王

不之國宮於京師罷五等之制公侯邑萬戶以上國
為大國五千以上為次國不滿五千戶為小國初雖
有封國而王公皆在京師咸寧三年詔徙諸王公皆
歸國特楊珧荀勗以齊王攸有時名懼惠帝有後難
乃追故司空裴秀立封建之旨遂詔王公悉令
歸國乃更制戶邑皆中尉領兵其平原汝南琅邪扶風
齊為大國梁趙樂安燕安平義陽為次國其餘為小
國既遣就國而諸公皆凡名山大澤不以封鹽鐵金
銀銅錫始平之竹園別都宮室園囿皆不為屬國其
仕在天朝者與之國同皆自選其文武官諸入作卿
士而其世子年已壯者皆遣蒞國其王公侯以下茅

杜符璽車旗命服一如泰始故事凡王金印龜紐練

朱綬遠遊三梁冠絳紗朝服佩山玄玉開國縣公郡

綬綬郡侯青朱綬同進賢三梁冠絳紗朝服佩山玄玉初武

帝踐阼封宣帝孫永為東莞郡王始置二卿侯以下

置官屬隨國大小無定制諸侯並三分食一東晉元

帝太興元年始置九分食一元帝以西陽王羨屬尊

羨皇室元老特為之拜成帝詔羨依安平王國有傳

獻王孚故事設牀帳於殿上帝親迎拜典書令丞

傳即師也以景友武帝初置一人蓋因典書令丞

帝諱師故曰傳友文王仲尼四友之名文學一郎

教令職官錄曰漢制本曰尚書改為治書文學一郎

中令中尉大農此為左右常侍大國各二人次國各

內史

改太史為內史又晉書曰改國相為內史

將軍大國上中下軍三將軍次國上下二軍將

軍各一人小國用上軍而已

典祠典衛學官令治書中尉司馬世

子庶子陵廟牧長謁者中大夫舍人典府等其後省

相及僕省郎中置侍郎二人公侯以下國官屬遞減

晉書曰詔以壽光公鄭冲及朗陵公何曾國皆置郎中令又曰元帝初渡江即晉王位諸參軍奉車都尉

掾屬者百餘人時皆謂之曰百六掾宋氏一用晉制唯大小國皆有三

軍凡王子為侯者食邑皆千戶諸王世子皆金印紫

綬進賢兩梁冠佩山玄玉初江夏王義恭為孝武所

忌憂懼故奏革諸侯聽事不得南向坐國官正冬不

得跣登國殿及夾侍障扇不得雉尾劔不得鹿盧形

不得過銀銅為飾詔可王國有師

改傳為之

自內史相

記室以下官多與晉同凡郡縣內史相並於國主稱

臣去任便止孝武建中始革此制不得追敬不得

稱臣正宜云下官而已齊封爵史闕王國有師諮議

文學等官公侯置郎中令一人卿餘與晉宋同梁封

爵亦如晉宋之制諸王皆假金獸符第一至第五左

竹使符第一至第十左諸公侯皆假銅獸符竹使符

第一至第五名山大澤不以封鹽鐵金銀銅錫及竹

園別都宮室園圃皆不以屬國諸王言曰令境內稱

之曰殿下公侯封郡縣者言曰教境內稱之曰第下

自第十稱皆曰寡人諸王公侯國官皆稱臣上於天

朝皆稱陪臣王國置傅相公以下則臺各為選郎中

令將軍常侍典書令典衛長伯子無典祠等官若王

加將軍開府則置長史司馬及記室掾屬祭酒主簿

錄事官屬嗣王則唯置郎中令中尉常侍大農藩王

則無常侍制與後漢同陳置九等公王有家令之制

郡有王嗣王藩王開國郡縣公開國縣侯開國縣伯

開國縣子開國縣男沐食侯鄉亭侯關內侯關外侯

鄱陽王之封也遣度支尚書蕭睿持節兼太宰告于

太廟五岳尚書王質持節兼太宰告于太社凡親王

起家則為侍中若將軍方得有佐史無將軍則無府

止有國官皇太子子冢嫡者封王依諸王起家餘子

並封公起家中書郎諸王子并諸侯代子起家給事

王公子起家員外散騎侍郎令僕子起家秘書郎若

員滿亦為版法曹次令僕子起家著作佐郎亦為版

行參軍外有揚州主簿太學博士國皇弟皇子府置

常侍奉朝請嗣王行參軍並起家官

師長史司馬從事中郎諮議參軍友掾屬記室等官

其嗣王藩王府則遞減之王國置郎中令將軍常侍

典祠令舍人等官其嗣王藩王則遞減其員後魏道

武皇始元年始封五等至天賜元年減五等之爵始

分為四曰王公侯子除伯男之號皇子及異姓元功

上勲者封王皇族及始藩王皆降為公諸公降為侯
子於是封王者七十人公者二十二人侯者七十九
人子者百有三人王封大郡公封小郡侯封大縣子
封小縣其後復加伯男焉孝文太和八年詔凡王公
侯伯子男開國食邑者王食半公三分食一侯伯四
分食一子男五分食一舊制諸鎮將刺史假五等爵
及有所貢獻而得假爵者皆得世襲延興二年詔革
此類不得世襲又舊制諸以勲賜官爵者子孫世襲
并襲軍號後改降五等始革之止襲爵而已凡公主
皆嫁于賓附之國朝臣子弟雖名族美彥不得尚焉

漢書武帝因見漢書婁敬說高帝欲以魯元公主妻匈奴良久故立此制矣諸王侯各亦

有師友文學侍郎掾屬舍人等官時王國舍人應取

公主有家令丞高平公主薨欲使公主家令居廬制

理婦人為君男子為臣古禮初不載則家令不得為純臣公主不得為正君明矣乃寢北齊有

王公侯伯子男六等之爵王位列大司馬上非親王

則在三公下封內之調盡以入臺三分食一公以下

四分食一王置師一人餘官大抵與晉宋梁制不異

公主則置家令丞等官後周制有公侯伯子男五等

爵者皆加開國授柱國大將軍開府儀同者並加使

持節大都督皇弟皇子置友及學士等員外餘吏闕

聞隋開皇中制國王郡王國公郡公縣公侯伯子男
凡九等樊子蓋進爵封為濟公言其功至煬帝唯留

王公侯三等餘並廢之皇伯叔昆弟皇子是為親王
及大長公主長公主皆置官屬親王置師友文學長
史司馬諮議掾主簿錄事功曹記室戶倉兵騎法士
等曹參軍等東西閣祭酒參軍事典籤等員嗣王無
師友煬帝更名王府參軍為諸司書佐屬參軍則直
以屬為名改國令為家令餘以國為名者皆去之諸
公主各置家令丞主簿謁者舍人等員郡主唯無主
簿唐高祖之初以天下未定廣封宗室從弟及姪年

始孩童數十人皆封為郡王太宗即位問侍臣曰編
封宗子於天下便乎右僕射封德彝對曰不便歷觀
往古封王者今日最多兩漢以降唯封帝子及親兄
弟若宗室踈遠者非有大功如周之郇滕漢之賈澤
並不得濫叨名器所以別親踈也先朝敦睦九族一
切封王爵命既崇多給力役蓋以天下為私殊非至
公馭物之道也太宗然之於是率以屬踈降爵唯有
功者數人得王餘並封縣公貞觀二年十二月太宗
謂公卿欲使子孫長久社稷永安其理如何右僕射
蕭瑀對曰臣觀前代國祚所以長久者莫不建諸侯

通志卷之六
以為盤石之固秦併六國罷侯置守二代而亡漢有
天下參建藩屏年踰四百魏晉廢之不能永久封建
之法實可遵行始議裂土之制禮部侍郎李百藥上
議曰自古皇王君臨寓內莫不受命上玄飛名帝籙
祚之長短必在天時政或盛衰有關人事而述著之
家多守常轍莫不情忘今古理蔽澆淳欲以百王之
季行三代之法也中書侍郎顏師古論曰臣愚以為
當今之要莫如量其遠近分置王國均其戶邑疆弱
相齊畫堦分疆不得過大間以州縣雜錯而居互相
維持永無傾奪使各守其境而不能為非協力同心

則足扶京室特進魏徵又陳五不可之議六年監察
御史馬周上牋大略如李百藥且謂宜賦以茅土疇
其戶邑必有材行隨器方授十一年六月詔荆王元
景等二十一王為諸州都督刺史咸令子孫代代承
襲非有大故無或黜免其後並不願行廼止後定制
皇兄弟皇子為王皆封國之親王龍朔二年制諸王
任職從四品下敘其眾子封郡公從五品上敘貞觀
中王珪奏曰三品以上遇親王於塗皆降乘違法中
敬有乖儀准太宗曰卿皆自尊而卑吾子乎魏徵曰
自古迄今親王班次三公之下今三品者皆天子公
卿及八座之長為王降乘親王府各置官屬九府官
非王所宜當也詔從之

太子男封郡王其庶姓卿士功業特盛者亦
未出閣則不置

通志卷之六

封郡王自至德元年至大曆三年封異其次封國公

其次有郡縣開國公侯伯子男之號亦九等並無官

土其加實封者則食其封分食諸郡以租調給自武

天寶實封者百餘家自至德二年至大曆三年食實

封者二百六十五家九食四萬四千八百有六十戶

十六年置王府官以四考為限嗣聖二年初置公府

官員武太后天授二年又置皇孫官員皇姑為大長

公主後亦謂之姊為長公主女為公主皆封國視正

一品太子為郡主封郡視從一品親王女為縣主

封縣正二品凡諸王及公主皆以親為尊皇之昆弟

妹先拜於皇子上書稱啓神龍初下詔革之開元四

年三月制下詔封諸國自始封至曾孫其封戶三分

減一十年加永穆公主封千戶初永穆等各封五百

戰士出萬死不顧一生所賞賜纔不過一二疋此

在何功於人頓食厚封約之使知儉嗇不亦可乎左

見明帝曰朕子不敢望先帝子車服下之吾未嘗不

廢卷歎息如何欲令此輩望長公主乎左右不敢復

言至是公主等車服殆不給故加焉自後公主皆封

千戶遂凡諸王及公上以下所食封邑皆以課戶充

州縣與國官邑官共執文帳准其戶數收其租調均

為三分其一入官其二入國公所食邑則全給焉二

十年五月勅諸食邑實封並以三丁為限不須一分

入官其物仍令封隨租調送入京親王府置傳一人

師範輔導參議可否初置 諮議參軍一人 弼政幕府

友一人 陪隨左右 文學二人 修撰文章 東西閣祭酒

各一人 接引賓客 長史司馬各一人 通判 掾一人 通判公曹

屬一人 通判兵騎 主簿一人 覆省 記室參軍二人 表

啓書疏宣 法士四曹 錄事參軍一人 受事 功曹倉曹戶曹兵曹

騎曹法曹士曹等參軍各一人 各有所主 參軍二人行參

軍四人 掌出使及推檢校 典籤二人 宣傳 親事府致典軍副

典軍各二人 掌守衛 執仗親事 執弓刀 執乘親事各

十六人 供進 親事三百三十三人 帳內 府置典軍副

典軍各三人 掌儀衛陪從兼知鞍馬等司事 帳內六百六十七人親

王國國令一人 大農二人 通判 尉三人 分 丞一人 印

小吏有差若府主薨則諸府佐視事帳內過葬追

退 雖無妻子亦准此 其國官聽終喪 若有襲爵者聽其廼事 諸公主邑

司有家令丞錄事各一人 並隸宗正寺出降者不置

州郡第十一上

司隸校尉 司隸周官也掌五年隸之法帥其民而捕盜

從中都官徒千百二人捕巫蠱督大姦猾後罷其兵

察三輔三河弘農晉志曰漢武帝初置十三州刺史

各一人又置司隸察三輔三河弘農七郡元帝初元

四年去節後諸葛豐為司隸又加節尋復去之司隸

去節自豐始也成帝元延四年省綏和二年哀帝復

置但為司隸除校尉字冠進賢冠屬大司空比司直

司隸校尉所部河南尹河內右扶風左馮翊京兆尹
 河東弘農凡七郡始河南洛陽無所不斜唯不察三
 公廷議處九卿上朝賀處公卿下凡司隸屬官有從
 事史十二人其都官從事史特為雄劇主察百官之
 犯法者魏晉司隸與二漢同司隸於端門外坐在諸
 卿上絕席其入殿按本品秩在諸卿下不絕席鍾會
 為司隸雖在外司時政損益當世與奪無不畢綜初
 以司隸官屬制置如州儀而俗稱司州及晉魏乃以
 京輔所部定名置司州以司隸校尉統之及東晉渡
 江罷司隸校尉官變其職為揚州刺史後魏北齊為
 司州牧後周有司隸下大夫掌五隸及徒者捕盜賊
 囚執之事屬大司寇隋初有雍州牧後煬帝置司隸
 臺有大夫一人掌諸巡察薛道衡為司隸大夫別駕
 二人分察畿內一人按東都一人按京師後又罷司
 隸臺而留司隸從事之名不為常員臨時選京官清
 明者權攝以行唐無司隸校尉而有京畿採訪使亦
 其職也

州牧刺史 黃帝立四監以治萬國唐有九州舜置十
 二州有牧夏為九州牧商周八命曰牧秦

監御史漢興省之至惠帝三年又遣御史監三
 輔御史詞訟所察之事凡九條監者二歲更之常以
 十月奏事十二月還監其後諸州復置監察御史文
 帝十三年以御史不奉法下失其職乃遣丞相史出
 刺并督監察御史武帝元封元年御史止不復監至
 五年乃置部刺史掌奉詔六條察州凡十二州焉居
 部九歲舉為守相成帝綏和元年以為刺史位下大
 天而臨二千石輕重不相準乃更為州牧秩真二千
 石位次九卿九卿缺以高第補京建武十八年復為
 刺史元壽二年復為牧後漢光武建武十八年復為
 刺史外十二州各一人其一州屬司隸校尉漢刺史
 乘傳周行郡國無適所治中興所治有定處舊常以
 八月巡行所部錄囚徒考殿最歲盡詣京都奏事中
 興但因計吏不復自詣京師雖父母之喪不得去職
 或謂州府為外臺謝夷吾為荊州刺史第五倫薦之
 曰尋功簡能為外臺之表聽察聲實為九伯之冠靈
 帝中平五年改刺史唯置牧是時天下方亂豪傑各
 欲據有州郡而劉焉劉虞並自九卿出領州牧州牧
 之任自此重矣舊制州牧素二千石長吏不任位者
 事皆先下三公三公遣掾史按驗然後黜退光武即

位以來不用舊典時用法明察不復委任三府故權
歸舉刺之吏魏晉為刺史任重者為使持節都督輕
者為持節皆銅印墨綬進賢兩梁冠絳朝服而領兵
者武冠西晉罷司隸置州江左則揚州刺史自魏
以來庶姓為州而無將軍者謂之單車刺史凡單
刺史加督進一入奏宋與魏同梁刺史受之明日辭
廟而三年皆持節後魏天賜二年又制諸州置三
皇室一人異姓二人比古之上中下三士也郡置三
太守縣置三令長自後魏北齊則司州曰牧而制
制州為上中下三等每等又有上中下之差自北齊
州上下州凡九等後周則雍州曰牧而制刺史初
除奉辭之日備列鹵簿凡總管刺史則加使持節諸
軍事以此為常及蘇綽為六條之制初文帝秉魏政
令百官誦習其牧守令長非通六條及計帳者不得
居官靜帝大象元年詔總管刺史並置刺史及行兵
餘悉罷之隋雍州置牧餘州並置刺史亦同北齊九
等之制總管刺史加使持節至開皇三年罷郡以州
統縣自是刺史之名存而職廢刺史縣令三年改九
等州有兵處則刺史帶軍事以統之十四年改九等州

為上中下凡三等煬帝大業初復罷州置郡
諸郡亦有六條之制與漢六條不同從事四十人副
刺史巡察每年二月乘輅巡郡縣十月入奏唐武德
元年罷郡置州而雍州置牧至神龍二年二月分天
下為十道置巡察使二十人以左右臺及外內官五
品以下堅明清劾者為之兼按郡縣再省而代至景
雲二年改置巡察使道各一人開元十年省十七年
復置二十二年改置巡察使道各一人開元十年省
其有戎旅之地即置節度使仍各置印天寶九年三
月勅本置採訪使今已後採訪使但考察善惡舉其大
人兼理數郡自今已後採訪使但考察善惡舉其大
綱自餘郡縣所有奏請並委郡守不須干及至德之
後改採訪使為觀察并領都團練使其僚屬隨事增
置分天下為四道十餘道大者十餘州小者二三州各
因其山川區域為制諸道增減不常員額自天寶以
後因十五事再置採訪使河東西及京師以來
運司採訪各以其職再建屯田使又使名公革不一
其職事攝置運使司又至開元勅錄令諸道置隨
軍監察御史各守司隸政事又自建中元年定矣

臣謹按漢制刺史以六條問事非條所問即不省
一條彊宗豪右田宅踰制以彊陵弱以衆暴寡二
條二千石不奉詔書遵承典制背公向私旁緣牟
利侵漁百姓聚斂爲姦三條二千石不卹疑獄風
厲殺人怒則任刑喜則任賞煩擾刻暴剝截黎元
爲百姓所疾山崩不裂妖祥訛言四條二千石選
辟不平苟阿所愛蔽賢寵頑五條二千石子弟恃
怙榮勢請託所監六條二千石違公下比阿附豪
彊通行貨賂割損正令又按後周六條之制其略
曰其一先治心心不清淨則思慮妄生見理不明

是以治民之要在於清心而已其二敦教化其三
盡地利其四擢賢良其五卹獄訟其六均賦役

總論州佐

別駕主簿

治中

功曹書佐

部郡國從事 祭酒從事史

典郡書佐 中正

州之佐吏漢有別駕治中主簿功曹書佐簿曹

史主錢兵曹從事史有軍事部郡國從事史典

郡書佐等官又有孝經師主監試經月令師皆州自

辟除通爲百石又後漢書或職與司隸官屬同唯無

都官從事漢魏之際復增祭酒文學從事員晉又有

武猛從事員其州邊遠有山險寇賊歷代職員互相

因襲雖小有更易而大抵不異自魏晉已後刺史多

帶將軍開府則州與府各置僚屬州官理民別駕治中以下

是府官理戎長史司馬等官是後魏舊以州牧親民班九條

之制使前政選吏以待後人獻文帝革制刺史守宰

到官之日仰自舉擇以為選官若簡任失所以罔上

論自孝明孝昌以後四方多難刺史太守皆為當部

都督雖無兵事皆立僚佐頗為煩擾高隆之乃表請

自非實在邊要見有兵馬者悉皆斷之北齊上上州

刺史屬官佐吏合三百九十三人以下州遞減十人

其州即佐吏皆州府辟除及後主失政賜諸佞幸賣

官分州郡下逮鄉官多降中旨故有勅用州主

功曹者後周刺史府官則命於天朝州刺史並牧守

自置至隋以州為郡無復軍府則州府之吏變為郡

官矣唐無州府之名而有採訪使及節度使節度使

督採訪使有判官二人分判尚書六行支使二人分

吏出入職如節推官一人推鞫皆使自辟召然後上

聞未奉報者稱攝其節度防禦等使寮今舉州之舊

職以列于左舊職謂隋以前州職別駕從事史一人從刺史行

乘傳車故謂之別駕漢制也歷代皆有之隋唐並為郡佐

臣謹按庾亮答郭豫書云別駕與舊刺史別乘同

流宣王化於萬里其任居刺史之半

治中從事史

一人居治中治事主衆曹文書漢制也

主簿

一人錄門下衆事省事文

功曹書佐

一人主選用漢制也其司隸功曹從事史

有別駕西曹主史及選

部郡國從事史

每郡國各一人漢制也

典郡書佐

每郡國各一人漢制也各主一

祭酒從事史

漢魏以來置宋世分掌諸曹兵賊倉戶

簿代

中正

陳勝為楚王以朱房為中正而不言職事兩漢

之才優有照鑒者除為中正自拔人才銓定九品州
郡皆置吳有大公平亦其任也晉宣帝加置大中正故
有大小中正其用人甚重齊梁亦重焉後魏有之北
齊郡縣皆有其本州中正以京官為之隋有州都其
任亦重唐
以來無之

臣謹按晉劉毅年七十已告老後舉為青州大中

正尚書以毅致仕不宜勞以碎務孫尹表曰司徒

魏舒司隸嚴詢與毅年齒相近管四十萬戶州兼

董司百僚總攝機要舒所統既廣兼執九品銓十

六州議者不以為劇昔鄭武公年過八十入為司

徒毅志氣聰明一州品第不足勞其思慮毅遂為

州都銓正人流清濁區別其所彈貶自親貴始

都督 總管節度團練都統等使附後漢光武建安中魏
武為相始遣大將軍魏文帝黃初三年始置都督又使
侯惇督二十六軍魏文帝黃初三年始置都督又使
軍事或領刺史又上軍大將軍曹真都督中外諸軍
假黃鉞則總統外內諸軍矣明帝太和四年司馬懿
征蜀加號大都督高貴鄉公正元二年司馬懿
中外諸軍尋加大都督及受晉禪則都督諸軍為上
節為下使持節督諸軍為下使持節為上持節殺無官位人
若有軍事則與使持節同假節唯軍事得殺犯軍令
者及伐吳之役以賈充為使持節假黃鉞大都統
領六師兼給羽葆鼓吹緹幢兵萬人騎二千置左右
司馬長史左右中郎增參軍騎車馬司馬各十人帳
下司馬二十人大車官騎各三十人太康中都督知
軍事刺史治民各用人也惠帝末乃并任非要州則
單為刺史江左以來都督中外尤重唯王導等權重
者乃居之宋氏人臣無居者唯江夏王義恭得假黃
鉞則專數節將非人臣常器又有都督諸州軍事

昔則為常職舊曰監某州諸軍事文帝即位改監為
都督後魏有都督中外諸軍永安以後遠近多事置
京畿人郡督總攝軍民立府置佐後周改都督諸軍
為總管則總管為都督之任矣又有大都督帥都督
都督至隋三都督並以為散官煬帝改大都督為校
尉帥都督為旅帥都督為隊正按此都督之名微矣
隋文帝以并益荆揚四州置大總管其餘總管府置
於諸州列為上中下三等加使持節煬帝悉罷之唐
諸州復有總管亦加號使持節刺史持節武德元年
諸州總管亦加號使持節刺史持節武德元年
為大總管府七年改隋上大都督為驍騎尉大都督
為飛騎尉帥都督為雲騎尉都督為武騎尉又改大
總管府為大都督府置都督府舊洛州已置
都督府武德四年廢府置大行臺復有行軍大總管
者蓋有征伐則置於征伐所之道以督軍事自武德
以來亦有元帥之號太宗為秦王加西討元帥中宗
為周王為洮河道元帥睿宗為相王為并州道行軍
元帥安祿山反後天寶十五年哥舒翰為諸道兵馬
元帥其後李光弼郭子儀復為副元帥太極初并益
荆揚為四大都督府開元十七年加潞州為五馬其

餘都督府並為上中下等上都督府五中都督府十三
下都督府十六前後置制改易不常難可備叙凡大
都督府置都督一人掌所管都督諸州城隍兵馬甲
仗食糧鎮戍等親王為之多遙領其任亦多為贈官
長史居府以總其事分天下州縣制為諸道每道置
使治於所部即採訪防禦等使也其邊方有寇戎之
地則加以旌節謂之節度使自景雲二年四月始以
賀拔延嗣為涼州都督充西河節度使其後諸道因
同此號得以軍事專殺行則建節府植六燾外任之
重莫比焉本皆兼度支營田使開元九年十一月勅
其河東河比不須別置並令節度使兼充有副使一
人行軍司馬一人中習法令判官二人分判倉兵騎
曹四曹事副使及行軍司馬通署掌書記一人掌表
奏書檄參謀無員或一人或二人參預謀畫隨軍四
人分使出入開元中凡入節度使積河西隴右朔
方河東幽州劍南嶺南是也後更增加兼改名號蓋
古之都督持節江左四中郎將近代行軍總管之任
凡將帥出行兵滿萬人以上則置長史司馬倉兵等
曹參軍若萬人以下員數遞減至德以來天下多難
諸道皆聚兵增節度使為二十道其非節度使者闕

之防禦使以採訪使并領之採訪理州縣防禦理軍
事初節度使與採訪各置一人天寶中始一人兼領之
代宗為廣平王時充天下兵馬元帥親總軍旅尅定
禍亂以大臣宿將郭子儀李光弼隨其方面以為副
謂之副元帥以督諸道事及德宗踐阼以雍王為之
王升儲宮而元帥關乾元中又置都統使監總管諸
道或領三道或領五道皆古方岳牧伯之任也上元
末省都督後又改防禦使為團練守捉使皆主兵事
而無旌節僚屬省減有副使一人掌貳使事判官二
人分判軍事自末泰以來都團練使守捉使皆主兵
事稍有加置而
任使則擇之

臣謹按宋武帝起義兵討桓玄既平京口向建鄴
以孟昶為長史總攝後事及討司馬休之伐荊州
以中軍將軍劉道憐監留府事皆留後之任也自
後無代無之不復遍舉

都護 漢宣帝地節二年初置西域都護為加官也或

校尉始以鄭吉為之後廢至後漢末平十七年復置

班超為西域都護大破焉者尉黎斬其主自是西域

降服納質者五十餘國晉宋以後有都護之官亦其

任也齊書曰廣州西南有二江川源深遠別置都護

專征討之陳伯超為江西都護沈顛為江南都護唐

末徵中始於邊方置安東安西安南安北四大都護

府後又加單于北庭都護府府置都護一人掌所統

諸蕃征討斥候安輯番人及諸賞罰總判府事副都

護二人掌二都護事長史司馬各一人參軍事功曹

倉曹戶曹兵曹法曹參軍各一人參軍事功曹

州郡第十一下

京兆尹

左馮翊

右扶風

京兆 周官有內史秦因之掌治京師漢景帝二年分

兆尹絕高曰京十億曰兆大衆所聚故曰京兆更名

左內史為右馮翊馮翊佐也秦官有主爵中尉掌

刑侯漢景帝中元六年更名都尉京兆尹是為三輔

治長安城中三輔黃圖曰長安以東為京兆尹長

以北為左馮翊渭城以西為右扶風皆治在城中故

趙廣漢曰亂吾治者二輔也誠得兼之直差易耳

都為京師置尹一人丞一人漢初三輔治長安後漢

都雒陽置河南尹以三輔陵廟所在不改其號但減

其秩與太守同後漢左馮翊右扶風屬司隸尋省魏

晉為京兆太守後周都關中又為京兆郡隋京兆郡

置尹併佐吏合二百四十四人為秦王中宗為英王睿

置牧一人以親王為之太宗為長史治民開元元年改

宗為相王時並居其任多以長史治民開元元年改

雍州為京兆府置牧如故掌宣導風俗肅清所部或

以親王居閣而遙領焉初雍州置別駕以貳牧守事

保忠信卿光武中興徙都洛陽改太守為尹章綬服
秩與京兆尹同特奉朝請魏晉皆為河南尹後魏太
和中遷都洛陽又置河南尹東魏置洛州刺史後周
置洛州總管尋罷之隋初為洛州刺史後為河南內
史大業初為荊州刺史又為洛州刺史後為河南內
尹與京兆同唐武德四年置東都改為洛州刺史後
改為刺史以親王為之置東都改為洛州刺史後為
置牧一人以親王為之置東都改為洛州刺史後為
並居其任多長史為尹其牧尹之制一元年改洛州
南府改長史為尹其牧尹之制一元年改洛州刺史
亦如之各有少尹二員通判府事按京兆少尹魏晉
以來治中之任隋文帝改為司馬煬帝又改為贊治
後又改為司馬本初復為治中未幾洛州又改為贊
帝諱改為司馬本初復為治中未幾洛州又改為贊
馬一員分為左右開元元年並為少尹開元以後
增置太原府為北平州高祖起義始復置太原府
長壽元年以并州之高祖起義始復置太原府
元十一年又以并州之高祖起義始復置太原府
曰北平初開元元年正月於蒲州置中府為鳳翔
中府至六月而罷後上元元年復置中府為鳳翔

又漢州為成都府留守周之君陳則其任也此後
無張方知惠帝幸長安僕射荀藩等與其遺官在洛
陽為留臺承制行事號東西臺至安帝時劉裕置
臺具百官又後魏孝文南伐之時以太尉元丕
廣陵王羽為留守京師加持節留守因此始也
郡太守各郡守秦官秦滅諸侯以其地為郡置守丞尉
二年更名郡守為太守凡在郡國皆掌治民進賢勸
功決訟檢姦常以春行所主縣秋冬遣無害吏按訊
諸囚平其罪法論課殿最并舉孝廉漢制歲盡遣上
計掾史各置一人條上郡內眾事謂之計偕郡為諸
侯王國者置內史以掌太守之任宣帝以爲太守吏
民之木數變易則下不安民知其將久不可欺罔乃
服從其教化每拜刺史守相親見間觀其所由退
而考察以質其言嘗稱曰與我共治者唯良二千石
乎是以漢世良吏於斯為盛稱中興焉成帝綏和元
年省內史以相治民則相職為太守王莽改郡守曰
大尹後漢亦重其任或以尚書令僕射出入為三公
離意黃香桓榮胡廣是也或自郡守入為三公虞延

第五倫桓虞鮑是也三國時有郡守相內史並銀章青
 綬進賢兩梁冠後魏初郡置三太守孝文初二千石
 能靜二郡至三郡者遷為刺史太和中次職令太守
 內史相縣令並以上中下之差自北上郡至下郡凡
 等每等又太守各以戶多少定品命隋郡太守如北
 齊之後周郡太守各以戶多少定品命隋郡太守如北
 希上表曰當今郡縣倍多於占十羊九牧人少官多
 請存要去閑併小郡為大郡嘉之遂罷諸郡大業三
 又改州為郡郡置太守唐武德元年改郡為州改太
 守為刺史加號持節後加號為持節諸軍事而實無
 節但領銅魚符而已天寶元年其加州為郡刺史為太
 守自是州郡史守更相為名其實則一也太宗初理
 天下重親民之任疏督守之名于屏俯仰視焉其人
 善惡必書其下是以州郡無不率理逮貞觀之末升
 平既久羣士多慕省閣不樂外任其折衝果毅有才
 力者先入為中郎郎將以補郡守其輕也如是武后
 垂拱二年諸州都督郎將以補郡守其輕也如是武后
 納言李嶠同平章事唐休璟奏曰以物議重內官

而外職凡所出守多因賤累非所以澄風俗安萬
 民臣等請擇材於臺閣省事之中分典大州共庶政
 當行於是鳳閣侍郎韋嗣立御史大夫楊再思二十
 人中皆以本官檢校刺史後二十人中而巳
 者獨常州刺史薛光謙徐州刺史司馬鍾二人而已
 當時復有為員外刺史者不領州務開元中定天下
 州府自京都都督及都護府之外以近畿之州同華
 岐蒲為四輔鄭陝汴絳懷魏為六雄宋毫滑許汝晉
 洛號衛相十州為十望又有十緊州後入緊者甚多
 不復具列及有三萬戶以上之差都督刺史品早者
 魚按武德今三萬戶以上之差都督刺史品早者借
 宜為四萬戶以上為八萬戶以上為十萬戶以上為
 二萬戶以上為十萬戶以上為十萬戶以上為十萬戶
 千戶以上為十萬戶以上為十萬戶以上為十萬戶
 為下縣天寶中通計天下九州總三百二十九州中
 十有九州下州寶中通計天下九州總三百二十九州
 自至德之後州縣凋弊刺史皆加團練使故其大為
 各有兵鎮者刺史皆加團練使故其大為精選諸州始

臣謹按漢文帝二年初與郡守為銅虎符竹使符至隋開皇七年又別頒青龍符於東方總管刺史西方以騶虞南方朱雀北方玄武九年又頒木魚符於總管刺史雌一雄三至十年悉頒木魚於五品以上官義寧二年罷竹使符頒銀菟符於諸郡唐武德元年又改銀菟符為銅魚符

總論郡佐

郡丞	別駕	長史	司馬
錄事	參軍	司功	司倉
司戶	司兵	司法	司士
參軍	博士	醫博士	
中正	通守	五官掾	
督郵	郡尉	縣令	

郡之佐吏秦漢有丞尉員外以佐守尉典武職後漢

諸郡各置諸曹掾史略如公府曹無東西曹晉宋以來雖官曹名品互有異同大抵略如漢制比齊上郡太守屬官合二百一十二人以下郡遞減之隋初以州為郡無復軍府則州府之職參為郡官故有長史司馬錄事參軍功戶兵法等七曹開皇三年詔佐官以曹為名者並改為司十二年諸州司從事為名者並改為參軍又制刺史二佐每歲暮更入朝上考課煬帝置通守贊持東西曹掾主簿司功倉戶兵法士等書佐各因郡之大小而為增減改行參軍為行書佐唐州府佐吏與隋制同有別駕長史司馬一人

督府有司馬左右二員九別

錄事參軍

京府謂之司錄參軍置二人其餘並各為錄事參軍大都督府亦有二人其餘郡止各

人

司功司倉司戶司兵司法司士等六參軍

景龍三年諸州加置

司田開元中省乾元之後又分司戶置參軍一員位在司戶下諸府則曰田曹開元中省乾元之後又分

置司戶焉以其廢置在府為曹在州為司倉曹州曰

不常故田曹不列司倉大與上府置二員州置一員自司功以下參軍

事各有差餘府州或四或三博士一員醫博士一

員凡以州府大小而為增減

郡丞秦置之以佐守漢因而不改晉成帝咸康七年復

置齊梁符之至隋開皇三年改別駕治中為長史司

馬至煬帝又罷長史司馬又置贊治者一人後又改

郡贊治為丞位在通守下及郡丞廢其職分為別駕

長史司馬自隋為郡府之官去從事史唐末徽二年

改為長史上元元年復置別駕多以皇族為之神龍

中廢至開元初復置始通用庶姓天寶八年以明皇

由潞州別駕入定內難遂登大位乃發別駕官至德

中復置諸州府各一人而大都督府不置通判其事

以都督刺史各兼之共職其事

長史秦置郡丞其郡當邊戍者丞為長史掌兵馬漢

事後罷邊郡太守丞而長史領丞職其後長史遂為

軍府官至隋為郡官唐初無丞徵二年有別駕刺史

及長史之名其後二職並置州府各一人五府長史理府事餘通判而已

通志職官卷六

三

開皇三年改治中為司馬煬帝又改司馬及長史併
置贊治一人尋又改贊治為郡丞唐武德初復為治
中貞觀二十三年高宗即位遂改諸州治中並為司
馬長安元年洛雍并荆揚益六州置左右司馬各一
員四年復舊太極元年又制大
都督府各置左右司馬一員

錄事參軍 晉置本為公府官非州郡職也掌總錄
者並置之自後漢有郡主簿官職與州主簿官同隋

初以錄事參軍為郡官則并州郡主簿之職矣煬帝

又置主簿唐武德元年復為錄事參軍開元中改京

兆尹屬官曰司錄參軍掌府事勾稽省署抄目糾彈

部內非違監印給紙筆之事乾元元年與錄事及州郡別

升一資又置尹司凡縣令及判司與錄事及州郡別

禮尊其任也

司功參軍 兩漢有功曹史王選署功勞歷代皆同北

齊諸州有功曹參軍隋亦然及罷郡置州

以曹為名者皆改曰司功參軍開元初京尹屬官及諸州

書佐唐改曰司功參軍開元初京尹屬官及諸州

禮部並曰功曹參軍而列郡則曰司功參軍令掌

廟祭祀及學校禮樂選舉表疏醫筮考課及喪葬

之事

司倉參軍 兩漢有倉曹史掌倉庫北齊以下並同功

曹唐亦掌倉廩庖厨及財物等廛市之價

之事

司戶參軍 漢魏以下有戶曹掾主民戶北齊以下與

功曹同唐掌戶口籍帳婚嫁田宅并雜徭

道路之事

司兵參軍 漢司隸屬官有兵曹從事史蓋有軍事則

置之以主兵事至北齊以後同功曹唐掌

軍防烽火驛馬傳送門
禁田獵及儀仗之雜事
謂之賊曹或謂法曹或謂墨曹隋以後與
功曹同唐掌律令定
罪及緝盜賊之事

司士參軍兩漢無聞北齊以後與功曹同唐

參軍事張溫軍事晉時陶謙以幽州刺史參司空車騎

侍置州為郡又郡官為之書佐唐改為參軍掌直

河間王顥以太宰輔政始置之掌使命

歷代皆有唐唯王府有之餘則無矣

經學博士漢郡國皆有文學掾後漢光武問功臣曰

曰臣少嘗學問可充郡文學歷代多闕隋潘徽為州

博士唐府郡置經學博士各一人掌以五經教授學

之多寒門鄙儒為

醫博士一人唐開元十一年七月置制每州寫本草

齊方五卷頒行天下貞元十二年二月御撰廣利方

五卷頒行天下貞元十二年二月御撰廣利方

中正魏置晉諸中正率一國所推臺閣取信後魏孝

他史多闕隋初有後罷而州郡唐並無此官每歲

貢士於所在之處又符書所關及鄉飲酒之禮則司

功參軍主其事

通守隋煬帝置郡各一人位次太守

五官掾後漢有之主功曹

督郵漢有之掌監屬縣各有東西南北中部

臣謹按漢尹翁歸為河東督郵時太守田延年分

河東二十八縣為兩部閔孺部分北翁歸部分南

舉法皆得其罪屬縣長吏雖中傷莫有怨者又有

孫寶為京兆尹以立秋日用故吏侯文為東部督
郵勅之曰今日鷹隼始擊當順天氣取姦惡以成
嚴冬之誅

郡尉京輔屬國等郡尉附秦官有郡尉掌佐守典武
賊景帝更名曰都尉武帝元鼎四年又置三輔都尉
各二員譏出入邊境置農都尉主屯田殖穀又置屬
國都尉主蠻夷降者中興建武七年省諸郡尉并諸
太守每有劇賊郡臨時置都尉事訖罷又省關都尉
唯邊郡往往置都尉及屬國都尉宋志曰光武省郡
郡安帝以西北老盛三輔有陵園之守乃復置右扶風
都尉於雍京兆虎牙都尉於長安自後無聞至隋煬
帝時別置都尉領兵與郡不相知又京
輔都尉立府於潼關主兵鎮唐無其制
縣令周官有縣正各掌其縣之政令而賞罰之春秋
云上大大夫受縣下大夫受郡又周書作雜篇曰千

百縣縣有四郡縣邑之長晉謂之大夫魯衛謂之千
小矣故甘茂謂之尹其職一也至于戰國則郡大而縣
也漢制列侯所食縣曰國皇太后公主所食曰邑有
蠻夷曰道九縣萬戶以上為令減萬戶為長侯國為
相秩次亦如之皆秦制也漢成帝綏和元年長相墨綬
方百里民稠則減稀則曠成帝綏和元年長相墨綬
哀帝建平二年復黃綬秋冬集課上計於所屬郡國
其郡有鹽官鐵官工官都水官者隨事廣狹置令長
及丞秩次皆如縣道無分上給均吏後漢九郡縣出
鹽多者置鹽官主鹽稅出鐵多者置鐵官主鼓鑄有
工多者置工官主稅物有水池及魚利多者置水官
生平水收魚稅所在諸縣均差吏更給之補吏隨事
不具縣員晉制大縣有治績官報以大郡不經宰
縣不得入為臺郎宋諸縣令治績官報以大郡不經宰
自晉宋以後長國相皆如漢制後魏縣置三令長
孝文初制縣令靜一縣劫盜者兼理後魏縣置三令長
能靜二縣者兼理至三郡亦如之三年遷為刺史太和
二郡者兼理至三郡亦如之三年遷為刺史太和

次職令其祿甚厚故孝文以北平府長史裴韋中書
侍郎崔亮並清貧欲以俸祿優之乃以亮帶野王令
韋帶溫縣令時人榮之其後令長用人益雜但選勤
舊令史為之而縉紳之流耻居其位北齊制縣為上
中下三等復於每等又有上中下之差自上縣至
下縣九等然猶因循後魏用人濫雜至於上縣至
卑居之元文遙遂奏武成帝請革之乃密令搜揚世
胄子弟恐其辭訴總召集神武門宣旨慰諭而遣自
此縣令始以士人為之隋縣有令有長場帝以大興
長安河南洛陽四縣令並增正五品諸縣皆以所管
閑劇及衝要之處以為等級唐縣有赤畿望畿上中
下六等之差京都所治為赤縣京之旁是為畿縣其
餘則以戶口多少之資地美惡為差九六赤八十二
畿七十八望百一十一緊四百四十六上二百九十
六中五百五十四下
一千五百七十三縣

總論縣佐

丞主簿
尉五百附

漢縣有丞尉及諸曹掾後漢縣諸曹略如郡員又五

官為廷掾監鄉五部春夏為勸農掾秋冬為制度掾

晉縣有主簿功曹廷掾法曹金倉賊曹掾兵曹賊捕

掾等員煬帝改尉為縣正尋改正為戶曹法曹分司

以丞郡之六司其京四縣則加置功曹為三司司各

二人唐縣有令而置七司一如郡制丞為副貳如州上佐

主簿上轄加錄事參軍其曹謂之錄事尉分理諸曹

如州判司錄事省受符歷佐史行其簿書

臣謹按漢縣丞尉及諸曹掾多以本郡人為之三

輔則兼用他郡及隋氏革選盡用他郡人又按後

漢外黃令牛述禮請爰延為廷掾范甯為功曹濮

陽潛為主簿常共言談而已

丞漢諸縣皆有兼主刑獄囚徒後漢令長國相名置

銅印黃綬進賢一梁冠自晉已後並無丞丞宋時唯建

康府有獄丞及至隋唐則縣各有丞丞各一人兼通

判縣事有赤縣各置丞二人

主簿漢晉各有之他史多闕唐赤縣置二人他縣各

印及給一人掌付事勾稽省署抄目糾正縣內非違監

紙之用

臣謹按主簿自漢以來皆令長自調用至隋始自

上置又按後漢繆彤仕縣為主簿時縣令被章見

考吏皆畏懼自誣而彤獨證據掠考苦毒至乃體

生蟲蛆因轉換五獄踰涉四年令卒以自免又寧

陽主簿詣闕訴其縣令之枉積六七歲不省乃復

上書曰臣為陛下子陛下為臣父臣章百上終不

見省臣豈可北詣單于以告冤乎帝大怒劾以大

逆虞詡駁之曰主簿所訟乃君父之怨百上不達

是有司之過

尉漢諸縣皆有之長安有四尉分為左右部後漢令

尉長國相亦皆有尉大縣二人小縣一人主追捕盜

賊按察姦宄署諸曹掾史邊縣有郭塞尉掌禁備羌

夷犯塞洛陽有四尉東南西北四部曹公為北部尉

是也魏因之晉洛陽建康皆置六部尉宋齊梁陳並

因之餘縣如漢制諸縣道尉銅印黃綬朝服武冠江

左止單衣介幘北齊郡縣置三尉隋改為正後置尉

又分為戶曹法曹唐初因隋制武德中復改為正七

年三月復改為尉赤縣置六員他縣各有差分判諸

司事上縣二員萬戶以上者又增一員中縣一員各

通志載官錄

以四千戶以上者又增置一員亦以上上縣五百宋
中縣下縣中下一員佐史各有差別五百志
曰謂官府州郡都各置五百又韋曜曰五百字本為
伍伯伍當也伯道也使之導引當道陌中以驅除也
今州縣官有雜職者掌行鞭撻每官
出則執楚導引呵關行路殆其職也

鄉官

周禮有鄉師鄉老卿大夫之職其任大矣鄉大夫管

百家以上次有州長二千五百黨正五百家族師百家

胥二十五鄙師五鄰鄩長四里里宰五鄰鄰長五家

皆不命之士為之皆鄉里之官也大凡各掌其鄉黨州里之

政治云秦制十里一亭亭有長十亭一鄉鄉有三老

有秩嗇夫游徼三老掌教化嗇夫職聽訟收賦稅游

徼循禁盜賊漢鄉亭及官皆依秦制也縣大率方百

里其人稠則減稀則曠鄉亭亦如之高后元年初置

孝悌力田二千石者一人特置孝悌力田官以導其

務後廢至文帝十二年又置三老及孝悌力田無常

員平帝又置外史閭師後漢鄉官與漢同有秩郡所

置秩百石鄉戶五千掌一鄉人其鄉小者縣置嗇夫

一人爰延為鄉嗇夫仁化大行皆主知民善惡為役

先後知民貧富為賦多少平其差品三老掌教化凡

有孝子順孫貞女義婦推財救患及學士為民式者

皆扁表其門以興善行又有鄉佐屬鄉亭有亭長十

里主民以收稅賦

一亭五里一郵郵間相去二里半司姦盜亭持二尺板以効賊素繩以收執賊亭吏舊名負弩後改為長或為主禁盜賊先賢傳曰逢萌為縣亭長時尉行過亭負主禁盜賊亭萌候迎謁拜既而擲盾歎曰大丈夫安能為人役哉遂去之至王莽時逢萌解冠掛於東都門而遁里有里魁民可什伍里魁主一里百家什主十家伍主五家以相檢察民有善惡以告監官晉縣五百戶以上皆置一鄉三千戶以上置二鄉五千戶以上置三鄉萬戶以上置四鄉鄉置嗇夫一人縣率百里戶置里吏一人其土廣人稀聽隨宜置里吏限不得減五十戶戶千以上置校官掾一人縣皆置方略吏四人宋五家為伍伍長主之二伍為什什長主之什十為里里魁主之十

里為亭亭長主之十亭為鄉鄉有鄉佐三老有秩嗇夫游徼各一人所職與秦漢同隋以周齊郡縣職自州都郡正縣正以下皆州郡將縣令而自調用理時事至開皇初不知時事直謂之鄉官官別置品皆吏部除受每歲考殿最開皇十五年罷州縣鄉官唐凡百戶為一里里置正一人五里為一鄉鄉置耆老人以耆年平謹者縣補之亦曰父老貞觀九年每鄉置長一人佐二人至十五年省太極元年初令老人年九十以上版授下州刺史朱衣執象笏八十以上版授上州司馬綠衣執木笏天寶七年詔父老六十

版授本縣丞七十以上授縣令三十里置一驛其非通途

大路則驛各有將以州里富彊之家主之以待行李

自至德之後民貧不堪命遂以官司掌

馬凡天下水陸驛一千五百八十七處

入以官平平監法編前之衣曰父法自歸六平監

百代心一里里置五一入五里為一驛

驛不交平道大驛單開皇十

職官略六

職官略第七

文散官

開府儀同三司

漢文帝元年始用宋昌為衛將軍位亞三司後漢章

帝建初三年始使車騎將軍馬防班同三司同三司

之名自此始也殤帝延平元年以鄧騭為車騎將軍

儀同三司儀同之名自此始也魏黃權以車騎將軍

開府儀同三司開府之名自此始也齊開府儀同三

司如公梁開府儀同位次三公諸將軍左右光祿大

夫優者則加之同三公置官屬自晉以來又有加開

府如儀同三司之名者自羊祜始焉江左多有之後
魏普泰初特以爾朱世隆為儀同三司位次上公北
齊亦有儀同三司者後周建德四年改開府儀同三
司為儀同大將軍仍增置上開府儀同大將軍又改
儀同三司為儀同大將軍仍增置上儀同大將軍隋
文帝並以為散官又諸衛各置開府府置開府一人
又有儀同府儀同以下置員與開府同祿開府儀同
三司為四品散實官至煬帝又改為從一品同漢魏
之制位次三公唐武德七年改上開府儀同三司為
上輕車都尉開府儀同三司為輕車都尉儀同三司

為駢都尉後又以開府儀同三司為文散官開元以
前舊例開府特進雖不帶職事皆給俸祿得與朝會
班列依本品之次皆崇官盛德罷劇就閑者居之天寶
六載正月制内外文武以上五品官以上
父祖資蔭者其所用宜同子孫用蔭之例

特進

漢制諸侯功德優盛朝廷所欽異者賜位特進位在
三公下故成都侯王商以特進領城門兵置幕府得
舉吏如將軍是也後漢皇后父兄率為特進侯朝會
位次三公隋志曰特進舊位從公光武以鄧禹列侯
就第特進奉朝請是特進引見之稱無定
官之而竇篤進位特進得舉吏見禮依三公自二漢
實也

及魏晉以為加官從本官車服無吏卒太僕羊琇遜位拜特進加散騎常侍無餘官故給吏卒車服其餘加特進者唯食其祿賜列其班位而已晉惠帝元康中定令特進位次諸公在開府驃騎上冠進賢兩梁冠黑介幘五時朝服佩水蒼玉食俸日四斛太康二年始賜春絹五十疋秋絹百五十疋綿百五十斤元康元年給采田八頃田騶八人立夏後不及田者食俸一年置主簿功曹吏門亭長門下書佐各一人給安車黑耳駕馭一人乘輅車施耳後戶一乘無章綬齊時班位從公陳因之後魏北齊用人皆以舊德就閑居者居之隋文帝以為散官不理事煬帝即位廢特進官唐改為文散官

光祿大夫以下

秦時光祿勳屬官有中大夫漢武帝太初元年史名光祿大夫銀章青綬掌議論屬光祿勳門外特施行馬以旌別之無常事唯顧問應對詔命所使無員後漢光祿大夫三人凡諸國嗣王之喪則掌弔問多以為拜假贈贈之使及監護喪事魏氏以來無員轉優重不復以為使命之官其諸公告老者皆家拜此位及在朝顯職復用加之魏文帝以楊彪為光祿大夫賜几杖衣服因朝會引見令彪着布單衣鹿皮冠杖而入待以賓客之禮及晉受命置左右光祿大夫假金章紫綬而光祿大夫如故着進賢兩梁冠黑介

續五時朝服佩水蒼玉弁祿賜班位吏卒皆與特進同復以為優崇之制而諸公遜位不復加之其以為加官者唯假章綬祿賜班位而已不別給車服吏卒也或更拜上公或以本封食公祿其諸卿尹中朝大官年老致仕者及內外之職加此者前後甚衆由是或因得開府或進加金章紫綬又復以為禮贈官其假銀章青綬者位在金紫將軍下諸卿上泰始中唯太子詹事楊珧加給事中光祿大夫加兵之制諸所供給依三品將軍晉宣帝子平原王幹拜光祿大夫加侍中以特進假金章紫綬章服其餘皆如舊制終於武惠孝懷三世秩食俸日二斛太康

二年始給采田六十頃田騶六人又置主簿功曹門

書佐各一人宋氏因之齊左右光祿大夫皆據舊

制位從公開府置佐吏如公年重加親信二十人魏

晉以來無有定員以左右光祿大夫光祿三大夫皆

銀章青綬其重者詔加金章紫綬則謂之金紫光祿

大夫樂安任遐為光祿卿就王晏乞一片金晏乃啓

轉為金紫是也猶屬光祿勳梁又有左右金紫光祿

大夫視吏部尚書左右光祿大夫視諸曹並養老病

陳因之自晉以後多為兼官後魏有光祿大夫金紫

銀青光祿大夫北齊皆以舊德就閑者居之與特進

通志卷之七

同後周有左右金紫左右銀青四光祿大夫隋有光

祿大夫左右光祿大夫皆為散官不理事唐初猶有

左右之名貞觀以後唯曰光祿大夫金紫光祿銀青

光祿並為文散官按前代光祿大夫始加金章紫綬及銀章青綬並尊之合在光祿之上

上後魏定令遂因仍不改正正議大夫通議大夫皆隋置散官蓋

取秦大夫掌論議之義唐並因之太中大夫秦官亦

掌論議漢因之後漢置二十人後漢張堪拜太中大夫居中東門候舍故

人號為中東門君又魏置廣置職位以自尊高鄭興止之曰夫太中大夫使持節官皆王者之器非人臣

所當制也胡廣云諫議光祿中大夫及中散大夫此四等者於古禮皆為天子之下大夫列國之上卿也以來無員晉視中丞吏部絳朝服進賢一梁冠介

續秦始末詔除王覽為太中大夫祿賜與卿同梁北

齊皆有唐亦有之中大夫秦官漢武改為光祿大夫

自後無聞北齊有之唐又置之龍朔二年七月制諸王承嫡封郡王者出

身從四品下叙中散大夫王莽所置後漢因之置三十人漢

儀曰光武魏晉無員齊梁視黃門侍郎品服冠幘與

太中同陳亦有之唐又置朝議大夫隋置散官以取

漢諸大夫得上奉朝議為名唐因之朝請大夫隋置

散官取漢將軍公卿年高德重者以列侯就第特進

奉朝請之義唐因之龍朔制諸王衆子封郡公者出身從五品上叙朝散大

夫隋置散官唐因之自王議以下並為文散官朝議

夫隋置散官唐因之自王議以下並為文散官朝議

郎承議郎並隋置散官唐因之顯慶五年八月制郡公出身正六品下叙

通議郎隋置散官隋文帝於吏部別置朝議通議朝

郎武騎屯騎驍騎游騎飛騎旅騎雲騎羽騎八尉其

品則正六品以下從九品以上皆為郎下皆為尉

散官番直常出使監唐改通議為奉議郎顯慶制縣

檢至隋煬帝皆罷

公出隋置通直郎三十人蓋採晉宋以來諸官皆有

上叙通直謂官高下而通為宿直者也因此為名唐因之

朝請郎隋置散官蓋採晉宋齊梁陳並有奉朝請員

為名唐因之顯慶制侯出身宣德郎朝散郎並隋置

散官唐因之顯慶制伯出身正七品下游騎尉隋置

散官唐改為宣義郎蓋取梁宣義將軍之名顯慶制

散官唐改為宣義郎蓋取梁宣義將軍之名男出身

蓋因隋尚書省二十四司承務郎之名也儒林郎隋

置散官蓋取前史儒林傳之義唐因之登仕郎唐置

文林郎隋置散官蓋取北齊文林館召徵文學之士

以充之義唐因之將仕郎隋置散官唐因之自朝議

郎以下並為文散官其散官自五品依本品衣服而

衣執笏於尚書省分番上下兩番以上即便隨番許

練之時務者始得參選武德令職事高者解散官欠

一階不至者為兼職事早者不解散官貞觀十一年

改令以職事高者為守職事早者為行其欠一階依

舊為兼與當階者皆解散官階相當無行無守其

子孫用廢皆依其後散官類例紛錯難可悉舉乾封

元年正月制內外官九品以下加一階七品以上加

二階八品以下更加勳轉乾封以來未有泛階應入

三品皆以恩舊特拜入五品多因進叙計借至朝散大夫以上奏取進止每年量多少進叙餘依本品授官若滿三計至即一切聽入乾封以後始有由泛階入五品三品

武散官

驃騎將軍

漢武帝元狩二年始用霍去病為驃騎將軍定令令驃騎將軍祿秩與大將軍等光武中興以耿丹為驃騎大將軍位在三公下明帝初即位以弟東平王蒼有賢才以為驃騎將軍以王故位在公上蒼為驃騎閣廷英雄及蒼歸國有驃騎時吏丁牧周相以蒼敬賢下士不忍去之遂為王家大夫數十年事祖及孫後帝又間數年復能魏晉並有之梁雜號中亦有陳表之

後主以蕭摩訶為侍中驃騎大將軍加左光祿大夫

特開黃閣施行馬聽事寢堂置鷓尾如三公制後魏

初加大則在三司上太和中制加大則在都督中外

諸軍之下後周亦有之隋開皇中置驃騎將軍府每

府置驃騎將軍車騎將軍各二人十七年頒銅獸符

於驃騎車騎府煬帝改驃騎將軍為鷹揚郎將改車

騎為鷹揚副郎將唐復改為車騎驃騎其制如開皇

而復益微矣故武德元年詔以軍頭為驃騎將軍軍

副為車騎將軍又詔太子諸率府各置驃騎將軍五員車騎將軍一十員後皆省

之顯慶元年仍置復以驃騎將軍大將軍為武散官

輔國將軍

後漢獻帝置輔國將軍以伏完為之晉王濬平吳後拜輔國大將軍有司奏輔國依比未為達官不置司馬不給官騎詔依征鎮給大車增兵五百人為輔國營親騎百人官騎十人置司馬宋明帝太始四年改為輔師將軍後廢帝元徽二年復故梁後魏後周隋並有之唐輔國大將軍為武散官

鎮軍將軍以下

鎮軍大將軍魏置文帝以陳羣為之晉則楊駿胡奮並領鎮軍將軍齊後周隋亦有之唐因之冠軍將軍

置以文欽為之此因史記楚義帝以宋義為卿

冠軍漢武帝以霍去病功冠三軍封冠軍侯之義也

晉亦有之金章紫綬給五時服武冠佩水蒼玉歷代

並有隋文帝置翊軍等四十三號將軍品九十六等為散號將軍以加汎授居曹有職務者為執事

官無職務者為散官武官以上柱國以下為散實官將軍各為散號官至煬帝時定令罷之唐因

之雲麾將軍梁置雜號陳及唐並有之忠武將軍壯

武將軍梁置雜號陳有之唐因之宣威將軍唐置明

威將軍梁置雜號後魏亦有之唐因之定遠將軍梁

置雜號唐因之寧遠將軍晉置唐因之游騎將軍魏

置陳有之唐因之游擊將軍漢武帝置以蘇建韓說

為之後漢鄧晨亦為之晉及陳並有之唐因之又置
懷化大將軍歸德將軍以授蕃官

諸校尉

漢武帝初置中壘屯騎步兵越騎長水胡騎射聲虎
賁等校尉為八校各有司馬後漢以屯騎越騎步兵
長水射聲為五校皆掌宿衛兵蔡質漢儀曰五營司
馬見校尉執版不拜
並屬北軍中候時五校官顯職闕而府寺寬敞輿服
光麗伎巧必給故多以皇族肺腑居之至靈帝又置
西園八校尉其名上軍中軍下軍典軍助
軍佐軍以及左右二校尉自魏晉以
下五校之名與後漢同唯後魏五校各置二十人中

校尉

漢掌北軍營壘門內又外掌西城後漢
省中壘但置北門中候掌監五營門屯騎

校尉

漢掌騎士後漢初改為
驍騎建武十五年如舊步兵校尉漢掌上林苑
門屯兵晉阮

籍

聞步兵騎營人善釀有貯酒三百
斛乃求為之又至隋時列屬鷹揚府越騎校尉漢掌
越人

內附

以為騎也後漢初改為青中
右校尉至建武十五年復如舊制長水校尉漢掌長
水宣曲

胡騎

宣曲觀名胡騎之屯宣曲者宋志引韋昭曰長
水校尉典胡騎廐近長安水亭之左故以為名又為

宣曲

之稱長水蓋關中胡騎校尉
小水名也又主鳥桓騎胡騎校尉漢掌池陽胡騎不
常置胡騎之屯池

陽後

漢射聲校尉
射聲校尉漢掌待詔射聲主工射者冥冥中
聞聲射則中因以名也須待所命

而射

故曰
待詔射聲虎賁校尉漢掌輕車至
城門校尉漢掌京
師城門

屯兵

凡八屯後漢以掌維陽城門十二所
若周禮司門晉于寶注曰如今校尉也驃姚校尉

漢武

以霍
去病為之護烏桓校尉漢武帝時烏桓屬漢始於幽
州部置之擁節監領後漢亦

謂之領鳥桓校尉主領鳥桓
 胡弁領鮮卑李膺為此官也
 戊巳校尉漢元帝初元
 丙丁庚辛壬癸皆有正位唯戊巳寄治耳此所置校尉亦無常居故取戊巳為名一說戊巳居中鎮覆四方漢所置校尉亦處護羌校尉後漢在涼州部持節
 域之中而撫諸國也
 改為京儒林校尉蜀先主以
 州刺史周羣為之
 中改為荆州刺史及江左初省尋又置於江陵齊書曰齊宋之際刺史多不領南蠻別以重人居之唯齊豫章郡王疑為南蠻校尉
 又改為荆襄二州刺史
 南夷校尉晉武帝於寧州
 鎮蠻西戎校尉晉武帝於長安置之元康中改為雍
 校尉州刺史安帝義熙中又置治於漢中
 寧蠻校尉晉安帝置治襄陽以授魯宗之護三巴校尉宋置齊建元
 武騎尉屯騎尉驍騎尉游騎尉飛騎尉旅騎尉雲騎尉羽騎尉建節尉奮武尉宣惠尉綏德尉懷仁尉

守義尉奉誠尉立信尉都十六尉並隋置以為武散官昭武振威致果翊衛宣節禦侮仁勇倍戎八校尉各有副尉並唐採前代諸校尉以下舊名置自鎮軍將軍以下為武散官次

勲官第十三

上柱國柱國皆楚之寵官楚懷王使柱國昭陽將兵攻齊陳軫問楚國之法破軍殺將者何以貴之昭陽曰其官為上柱國是也陳勝為王蔡賜為上柱國歷代無聞至後魏孝莊以爾朱榮有翊戴之功拜為柱國大將軍位在丞相上又拜大丞相天柱大將軍增佐吏及榮敗

後天柱及柱國將軍官遂廢至大統中始以宇文泰為之其後功參佐命聲實俱重者亦居此職自大統十六年以前任者凡有八人宇文泰元欣李弼獨孤信趙貴于謹侯莫陳崇時宇文泰任總百揆督中外軍事元欣以魏氏懿戚從容禁闥而已其餘六人各督二人將軍凡十二大將軍當時榮盛莫與為比其稱門閥者咸推八柱國家其後功臣位至柱國者衆矣咸是散秩無復統御也後周建德四年增置上柱國大將軍隋置上柱國柱國以酬勲勞並為散官實不理事唐改為上柱國及柱國秦有護軍都尉漢因之高帝時以陳平為護

軍中尉盡護諸將然則復以都尉為中尉陳平為護軍中尉人

護之曰平受諸將金多者得善處少者得惡處武帝元符四年以護軍都尉

屬大司馬于時復為都尉矣成帝綏和元年居大司馬府比司直也哀

帝元壽元年更名曰司寇平帝元始元年更名護軍

初韓安國以護軍將軍擊匈奴趙充國以大將軍都尉擊武都漢東京省班固為大

將軍中護軍隸將軍幕府非漢朝列職魏武帝為丞

相以韓浩為護軍史奐為領軍亦非漢官也建安十

二年改護軍為中護軍領軍為中領軍魏初因置護

軍將軍主武官選隸領軍晉世則不隸矣元帝永昌

元年省護軍并領軍明帝太寧二年復置魏晉江右

通志職官四七

領護各領營兵江左以來領軍不復別置營總管二

衛驍騎材官諸營護軍猶有別營也周顓庾亮王羲之謝安王彪之

等並為宋護軍將軍一人掌外軍領護資重者為領

軍將軍護軍將軍資輕者為中領軍護軍其官屬有長史司馬

功曹主簿五官其官受命出征則置參軍齊梁陳並有之北齊護軍府統

四中郎將皆置佐史隋煬帝十二衛每衛置護軍四

人以副將軍將軍無則一人攝尋改護軍為虎賁郎

將唐採前代舊名置上護軍護軍輕車將軍漢武帝

置以公孫賀為之又有輕車校尉梁陳後魏北齊亦

有輕車將軍唐採舊名置上輕車都尉輕車都尉騎

都尉漢武帝置以李陵為之更始初亦有故時譚云

爛羊胃騎都尉晉以後歷代皆有之唐採舊名置上

騎都尉騎都尉驍騎尉飛騎尉雲騎尉武騎尉並隋

置為文散官唐採置之自上柱國以下並為勳官

命婦第十四

凡皇帝嬪妃及太子良娣以下為內命婦公主及王

妃以下為外命婦公主及縣主之制已附見后妃傳

今所載者王公以下之妻耳凡三代之制諸侯之婦

曰夫人大夫曰孺人士曰婦人庶人曰妻公侯有夫

人有世婦有妻有妾邦君之妻君自稱之曰夫人夫

人自稱於天子曰老婦自稱於天子謂畿內諸侯之夫人自稱於諸

侯曰寡小君謂饗來朝諸侯之時自稱於其君曰小童邦人稱

之曰君夫人異邦人稱之亦曰君夫人自世婦以下自稱曰婢子

凡婦人無爵從夫之爵坐以夫命之齒爵為大命也夫為大夫則

以妻為命婦至秦漢婦人始有封君之號公主有邑司之

制唐外命婦之制諸王母妻及妃文武官一品及國

公其非始封者帶三品以上亦同母妻為國夫人三品以上母妻為

郡夫人四品母妻為郡君若勳官二品有封亦同四品五品母妻

為縣君若勳官三品有封亦同散官同職事若勳官四品有封

母妻為鄉君其母邑號皆加太字視夫子之品若夫

有官及爵或一人有官及爵者皆從高廢其不因夫子別有邑號者夫人

云某品夫人郡君云某品郡君縣君鄉君准此諸庶子有五

品以上官封者若嫡母在所生之母不得為太妃以

下無者聽之其承重者不合中宗時韋皇后表請諸婦人不因夫

子而加邑號許同見任職事聽子孫用廕門施祭戟

制從之武太后時契丹寇平川刺史鄒保英妻姜氏率城內女子助守賊遂退封為成節夫人

開元八年五月勅准令王妻為妃文武官及國公妻

為夫人母加太字一人有官及爵者聽從高叙但王

者名器殊恩或頒異姓妻合從夫授秩甲令更無別

條率循舊章須依往例自今已後郡嗣及異姓王母

妻並宜准令爲妃貞元六年太常卿崔縱奏諸國王
母未有封號請遵典故爲某國太妃吏部郎中柳冕
等狀稱歷代故事及六典無公主母稱號伏請降於
王母一等命爲太儀各以公主本封加大儀云上從
之

臣謹按如淳曰列侯之妻稱夫人列侯死子復爲
列侯乃得稱太夫人子不爲列侯則不得稱之晉
亦有之羊祜卒二歲而平吳武帝流涕曰羊太傅
之功因以策告祜廟仍依蕭何故事封其夫人夏
侯氏爲萬歲鄉君食邑五千戶又泰始詔太傅壽

光公鄭冲太保朗陵公何曾皆假夫人

世子印綬食本秩三分之一皆如郡公侯比又王
導妻卒贈金章紫綬又虞潭母亦拜爲武昌侯太
夫人加金章紫綬潭立養堂於家王導以下皆就
拜謁

臣又按宋鄱陽侯孟懷玉上母擅拜國夫人有奏
許之御史中丞袁豹以爲婦人從夫之爵懷玉父
導見任大司農其妻不宜從子奏免尚書右僕射
劉柳左丞徐羨之郎何劭之官詔並贖論又按後
周宣帝令內外命婦皆執笏其拜廟及天臺皆俛

伏

禄秩第十五

禄秩

幹力 白直 仗身 庶僕
親事 帳內 執衣 防閣
邑士 士力
門夫等附

周班爵禄之制孟子言其略而王制亦言之矣上至天子下至庶人之在官者各有差焉漢制禄秩自中二千石至百石各有等差宣帝又益天下吏百石以下奉十五至成帝陽朔二年除八百石五百石秩八百就六百除五百就四百綏和二年又益吏三百石以下奉凡吏比二千石以上年老致仕者三分故禄一以與之終

其身

其時亦亦有俸錢之差但本史不具文耳故元帝時禹貢上書曰臣為諫議大夫秩八百石俸錢

月九千二百廩食太官又拜為光禄大夫秩二千石俸錢月萬二千禄賜愈多家室日益富矣中二

千石 月俸百 二千石 百二 比二千石 百 千石 八 十 六

百石 七十 四百石 五十 比四百石 四十 三百石 四十

比三百石 三十 二百石 三十 比二百石 二十 百石 十

自四百石至二百石為長吏百石以下有斗食佐

史之秩 顏師古曰漢官名秩簿云斗食月俸一十斛

是為小吏 本史王莽詔曰自

十斛稍以差增上至四輔而為萬斛孟康曰纓八十

增為三分之一舊令再從月俸增之 後漢大將軍三

公俸月三百五十斛風俗通曰漢制三公一歲共食萬石按此則有出蓋舉大數也

至建武二十六年增百官俸其千石以上減於西京

舊制六百石以下增於舊秩本史宋初四年又減百官及州縣奉各有差

凡諸受俸皆取半錢穀延平中定制中二千石月俸錢九

千米七真二千石錢六千五百比二千石錢五千

十石錢四千米三十六斛六百石錢三千五百四百石錢二千

斛五三百石錢二千二百石錢一千一百石錢八

凡中二千石丞比千石真二千石丞長史六百

石比二千石丞比六百石令相千石者丞尉皆四百

石其六百石者丞尉皆三百石長相四百石及三百

石者丞尉皆二百石諸侯公主家丞秩皆比三百石

諸邊障塞尉諸陵校尉長皆二百石有常例者不署

秩本志大將軍三公臘賜錢各二十萬牛肉二百斤

粳米二百石特進侯以下各有差立春之日遣使者賜文官司

徒司空帛三十疋九卿十五疋武官太尉大將軍各

六十疋執金吾諸校尉各三十疋武官倍文官漢官儀

獻帝建安八年頒賜三公以下金帛由是三年一賜

以為常制本史宋氏以來州郡秩俸及雜供給多隨土

所出無有定准其郡縣田祿以芒種為斷前去官者

則一年秩祿皆入前人此後去者悉入後人元嘉末

通志

又改此制計月分祿武帝初即位制九中二項齊氏衆

官有僮幹之役而不詳其制幹者若門僕之類也梁武帝天監

元年定九品令帝於品下注一品秩為萬石第二第

三品為中一千石第四第五品為二千石及侯景之

亂國用常福京官文武月得廩食多遙帶一郡縣官

而取其祿秩焉北齊官秩一品每歲八百疋為二百疋

從一品七百疋疋為一百七十五二品六百疋疋為一百五十

從二品五百疋疋為一百二十五三品四百疋疋為一百

三品三百疋疋為七十五四品二百四十疋疋為六十

四品二百疋疋為五十五品一百六十疋疋為四十從五

品二百二十疋疋為三十六品一百疋疋為二十五從六

品八十疋疋為二十七品六十疋疋為十五從七品四十

疋疋為十八品三十六疋疋為九從八品三十二疋

八疋疋為八九品二十八疋疋為七從九品二十四疋疋為六

秩為一 祿率一分以帛一分以粟一分以錢事繁者優

一秩平者守本秩閑者降一秩長兼試守者亦降一

秩官非執事不朝拜者皆不給祿州郡縣制祿之法

刺史守令下車各前取一時之秩上上州刺史歲秩

八百疋與司州牧同上中上下各以五十疋為差中

上降上下一百疋中中及中下亦以五十疋為差下

上降中下一百疋下中下下亦各以五十疋爲差上郡太守歲秩五百疋降清都尹五十疋上中上下各以五十疋爲差中上降上下四十疋中中及中下各以三十疋爲差上上縣歲一百五十疋與鄴臨漳成安三縣同上中上下各以十疋爲差中上降上下三十疋中中及中下各以五疋爲差下上降中下二十疋下中下下各以十疋爲差州自長史下逮千史吏部縣自丞以下逮于掾佐亦皆以帛爲秩郡有尉者尉臧丞之半皆以其所出常調課給之自一品以下至

流外勳品各給七力一品至三十人以下流外勳品或以五人爲等或以四人三人二人一人爲等繁者加一等平者守本力閑者降一等諸州刺史守令以下幹及力皆聽勅乃給其幹出所部之人一幹輸絹十八疋幹身放之力則以其州郡縣白直充後周制祿秩下士一百二十五石中士以上至於上大夫各倍之上大夫是爲四千石卿二分孤三分公四分各益其一公因盈數爲萬石凡頒祿視年之上下畝至四金爲上年上年頒其正三金爲中年中年頒其半二金爲下年下年頒其一無年爲凶荒不頒祿隋京

官正一品祿九百石其下每以百石為差至正四品
 是為三百石從四品二百五十石其下每以五十石
 為差至正六品是為一百石從六品九十石以下每
 以十石為差至從八品是為五十石食封及官不判
 事者并九品皆不給祿其給皆以春秋二季刺史太
 守縣令則計戶而給祿各以戶數為九等之差大州
 六百二十石其下每以四十石為差至於下下則三
 百石大郡三百四十石其下每以三十石為差至於
 下下則一百石大縣百四十石其下每以十石為差
 至於下下則六十石其祿唯刺史二佐及郡守縣令

文帝時嘗以百僚供費不足臺省府寺咸置廩錢
 收息取給工部尚書蘇孝慈以為官人爭利非興化
 之道上表請罷從之公卿以下及給職田各有差義

寧二年唐王為相國罷外官給祿每十斛給地二丁
 畝也唐武德中外官無祿貞觀二年制有上考者乃
 給祿其後遂定給祿俸之制以民地租充之京官正一品百七

石	從一品	石	六百	正二品	石	五百	從二品	石	四百	正三品	石	三百
石	從三品	石	三百	正四品	石	三百	從四品	石	二百	正五品	石	二百
石	從五品	石	一百	正六品	石	一百	從六品	石	九十	正七品	石	八十
石	從七品	石	七十	正八品	石	六十	從八品	石	六十	正九品	石	六十

正九品五十石從九品五十石諸給祿者三師三公及太

子三師三少若在京國諸司文武官職事九品以上

并左右千牛備身左右太子千牛並依官給其春夏

二季春給秋冬二季秋給在京文武官每歲給祿總

三石二斗自其在外文武官九品以上准官皆降京

官以上一等給其文武官在京長上者則不降諸給

降等者正從一品各以五十石為一等二品三品皆

以三十石為一等四品五品皆以二十石為一等六

品七品皆以五石為一等八品其俸錢之制在京諸

司官初置公廨及蕃官興易以充其俸貞觀十二年

罷公廨置胥士七千人取諸州上戶為之准防閑例

而收其課三歲一更計負少多而分給焉十五年以

府庫尚虛勅在京諸司依舊置公廨給錢充本置令

史府史胥士等令迴易納利以充官人俸諫議大夫

褚遂良上疏曰國家制令憲章三代商賈之人不居

官位陛下近許諸司令史捉公廨本錢諸司取此色

人號為捉錢令史不簡性識寧論書藝但令身能賈

販家足貲財錄牒吏部即依補擬輸錢於官以獲品

秩苟得無耻豈蹈廉隅太宗納之停諸司捉錢依舊

本府給月俸二十一年復依故制置公廨給錢為之

本置令史府胥士等職賈易收息以充其俸永徽元

年悉發胥士等更以諸州租調脚直充之其後又令賦簿百姓一年稅錢依舊令高戶及典正等掌之每月收息錢以充官俸其後又以稅錢為之而罷其息利凡在京文武正官每歲供給俸食等錢并防閑庶等總一十五萬三千七百二十貫外官不在此數外官則以公廩田收及息錢等常食公用之外分充月料先以長官定數其州縣少尹長史司馬及丞各減長官之半尹大都督府長史及副都督別駕及判司准二佐以職田數為加減其參軍及博士減判司主簿縣尉減縣丞各三分之一儀鳳一年制內外官俸食是

防閑邑士白直等宜令王公以下率口出錢充給焉

調露元年九月職事五品以上准舊給仗身開元十

年正月省王公以下視品官參佐及京官五品以上

官仗身職負凡在京司文武職事官五品以上給防

閣一品九十二人二品七十二人三品四十八人四品三十二人五品二十

六品以下給庶僕六品五人七品四人八品三人九品二人

公主邑主八十人郡主六十人縣主四十人特封縣主三十

京官仕兩職者從多給凡州縣官皆有白直二品十四

人三品三十人四品二十人五品十六人六品十七人六

品五人九品四人凡諸親王府屬並給士力數如白直其

防閣庶僕白直士力納課者每年不過二千五百執
衣元不過一千文防閣庶僕舊制季分月俸食料雜
用即有分諸官應月給開元二十四年六月乃撮而
同之通謂之俸料一品月俸八千食料千八百雜用
千二百防閣十五千通計二十六千自二品而下各
有差二品通計二十四千二百三品通計十七千四
百四品通計十一千五百六十七五品通計九千二
百六品月俸二千食料四百雜用四百庶僕二千五
百通計五千三百自六品而下皆用庶僕亦各有差
七品通計四千五十八品通計二千五百五十九品

計千九百其數自唐初以來即有中間諸州倉庫
門須守護者謂之門夫後亦舉其名而收其資以給

郡縣官

致仕官祿

唐令諸職事官年七十五品以上致仕者各給半祿
謂如元制依開元五年十月勅致仕應請物令所由
送至所居之宅

職田

公解田

古者自卿以下必有圭田圭田五十畝餘夫二十五
畝故王制曰公田籍而不稅秦漢之間不詳其制至

晉公卿猶各有采田及田騶多少之級後魏孝文太和五年州刺史郡太守并官節級給公田隋文帝開皇中以百僚供費不足咸置廩錢收息取利蘇孝慈上表請罷於是公卿以下內外官給職分田一品給五頃至五品則為三頃其下每以五十畝為差又給公廩田以供用唐凡應在京諸司各有公廩田司農寺給二十殿中省二十少府監二十太常寺二十京兆府河南府各十太府寺十六吏部戶部各十兵部內侍省各十中書省將作監各十刑部大理寺各十尚書都省門下省太子左春坊各十工部十光祿寺

太僕寺秘書省各九禮部鴻臚寺都水監太子詹事府各八御史臺國子監各七項其京左右衛太子家令寺各六衛尉寺左右驍衛左右武衛左右威衛左右領軍衛左右金吾衛左右監門衛太子左右春坊各五太子左右衛率府太史局各四宗正寺左右千牛衛太子僕寺左右司禦率府左右清道率府左右監門率府各三內坊左右內率府率更府各二在外諸司公廩田亦各有差大都督府四十中都督府十二五下都督府都護府上州各三中州二十官總監下州各十上縣十中縣八下縣六上牧監上鎮各五下

縣及中下牧司竹監中鎮諸軍折衝府各四頃諸治監

諸倉監下鎮上關各三頃五市監諸屯監上戍中關及

津各二頃其津隸下關一頃十畝中戍下戍岳瀆各一頃

諸京官文武職事各有職分田一品十二頃二品十三頃

品九頃四品七頃五品六頃六品四頃七品三頃八品二頃

九品二頃並去京城百里內給其京兆河南府及京

縣官人職分田亦准此即百里內地少欲於諸州及

都護府親王府官人職分之田亦各有差二品十二頃

三品十四頃四品八頃五品七頃六品五頃京畿

三品九頃四品五頃五品三頃六品二頃七品一頃八品五頃

九品三頃五品十頃六品八頃七品六頃八品四頃九品三頃

六品十頃五品八頃四品六頃三品四頃二品三頃一品二頃

將上府折衝都尉各六頃中府五頃下府及諸郎將

各五頃上府果毅都尉四頃中府三頃下府二頃上府長

史別將各三頃中府下府各二頃親王府典軍五頃副典

軍四頃千牛備身左右太子千牛備身各三頃諸軍上折

衝府兵曹二頃中府下府各一頃其外軍校尉二頃

旅帥一頃隊正副各八畝皆於領側州縣界內給其校

已下在本家及去家百里內領者不給其田亦借民

而巳諸職分陸田限三月三十日稻田限四月三十

日以前上者並入後人以後上者入前人其麥用田

自以前上者並入後人以後上者入前人其麥用田

自以前上者並入後人以後上者入前人其麥用田

以九月三十日為限若前人自耕未種後人酬其功
直已自種者准租分法開元十年六月勅所置職田
本非古法爰自近制是以因循事有變通應須刪改
其內外所給職田從今年九月以後並宜停給十八
年六月京官職田特令准令給受復用舊制自大曆
以來關
中匱竭時物騰踴內官不給仍減外官職田三分之
一以給京官俸每歲通計給文武官正員外員及內
侍省閑廐五坊南北宿衛使并教坊人家
雜糧等凡給田米前後可約七十萬石數

官品第十六

書言唐虞建官惟百夏商倍之明堂位言虞官五十
夏官百商官二百然其秩命則未之聞周始分九命

以官人秦制爵二十等以賞功勞

見王侯
封爵篇

二漢亦因

秦二十等以為差功之賞而不為常秩其官秩自二
千石至百石有等降魏之祿秩差次亦遵漢制以定
九品焉晉宋因之梁之祿秩不異於魏而易品為班
更定十八班陳復舊制仍遵九品後魏建官初有九
品又有從品每一品之中分上中下三等至孝文太
和二年十二月改次職令除其中等自第四品以下
正從又分上下階北齊因之後周效成周建六官亦
以九命官人其六官之外兼用秦漢等官然於九命
之中而分正命猶下上階也謂王朝之官為內命諸

侯及州縣官為外命隋開皇中削周用齊而以九品定流內分正從自第四品以下又分上下階其流外官又置視流內品至煬帝除上下階惟留正從九品又定朝之班叙以品之高卑為列品同則以省府為前後省府同則以局寺為前後唐有四品以下亦分上下階大抵因隋制然自魏定九品之後與今不殊惟漢制異於是後漢守前漢之規而有加焉其間亦小有升降不為差異今獨存西京之故制云

漢官秩差次

丞相太尉司徒司空諸將軍及諸侯王國官不在此日後漢則太傅三公大將軍

驃大將軍亦不在此目

中二千石 月百八十斛 御史大夫太常光祿勳衛尉

太僕大鴻臚廷尉宗正大司農少府執金吾二千石

月百二十斛王莽亦曰真二千石上大夫 太子太傅少傅將作大匠太子

詹事大長秋典屬國水衡都尉京兆尹左馮翊右扶

風司隸校尉城門校尉中壘校尉屯騎校尉步兵校

尉越騎校尉長水校尉胡騎校尉射聲校尉虎賁校

尉州牧郡太守比二千石 月百斛王莽亦改為中大夫 丞相司直

光祿大夫光祿中郎五官左右三將光祿虎賁中郎

將光祿中郎將騎都尉西域都護副校尉奉車都尉

駙馬都尉郡尉千石月八十斛王莽改為下大夫丞相長史大司

馬長史御史中丞更名御史長史前後左右將軍長史太常

丞光祿勳丞衛尉丞太僕丞廷尉左右監大鴻臚丞

宗正丞大司農丞少府丞執金吾丞太子衛率萬戶

以上縣令其次比千石光祿太中大夫光祿郎中車

戶騎三將光祿謁者僕射光祿虎賁郎八百石成帝除八

百石太子家令下比八百石光祿勳諫大夫六百石

月七十斛王莽改曰元士衛尉公車司馬令衛士令旅賁令廷尉

左右平太子門大夫太子庶子將作大匠丞太子詹

事丞水衡都尉丞京兆尹丞左馮翊丞右扶風丞州

刺史郡丞郡長史郡尉丞次萬戶以上縣令比六百

石月六十斛太常太博士光祿議郎中郎光祿謁者掌賓

讚受事員西域都護丞司馬候五百石成帝除五百石秩王莽復

置故以減萬戶縣長四百石月四十五斛自四百石至二百石為刺史王莽

改曰太子中盾萬戶以上縣丞次萬戶以上縣丞減

萬戶縣丞比四百石光祿侍郎三百石月四十斛王莽改為下士

次減萬戶縣長比三百石月三十斛光祿郎中二百石

月三十斛萬戶以上縣尉次萬戶以上縣尉減萬戶縣尉

百石自百石已有計食佐史之秩為少吏王莽改百石秩曰庶士

